


836
:2



卷之三 征途雜咏

當湖顧人龍雲馭氏著

男涵硯耘編



孫

令文公望

較

賓蕃楚材

泛湖二律

中秋歸後在杭所作

余與商子嗣尹張子雲青其令姪子永聚首閩越

濶別三載矣今庚戌仲春至會城嗣尹招飲湖

舟泊孤山下探梅尋鶴把盃話舊因賦二律

勝賞

浪遊南北鬢成絲，羨爾湖山貌不移。
水面微風紋似掌，峰頭積雨黛如眉。
身隨鷗鷺盟新契，坐列盤餐話舊知。
更愛西冷梅放萼，香車油壁映瓊枝。
微茫小雨續絲絲，路傍孤山棹轉移。
樹底鶯聲猶澁舌，湖邊柳色欲舒眉。
難招白鶴尋仙侶，重對青山托故知。
與盡歸來賓主散，朦朧烟月挂疎枝。

壽西冷聶友七十

崧高鍾秀遂生申，初度欣逢是早春。
對月銜盃添逸興，探梅發咏倍清新。
草堂閑靜隨猿鶴，雲路扶搖起

鳳麟。西子湖頭歌進酒，長堤應作醉眠茵。

寄懷西平令沈藕菴

憶昔驅車走芒碭，窮途失路意惘惘。
旅宿彭城地軸翻，舟泛黃流波震蕩。

戊申六月十七在徐州適逢地震孟秋渡河幾覆沒歸來

靜卧掩柴扉，收召驚魂猶惚恍。
使君一价自西來，招我遊梁登吹臺。
感君意氣無二諾，履水踏雪陟崔巍。
爲客琴堂一載餘，傾心寫意誰得如。
春郊並轡醉社秋，月連宵憇草廬。
止留嵩嶽與少室，未曾登弁今歸與。
歲暮蹉跎白日速，寒盡春來春景淑。
江南

不勝情回望栢亭雲樹綠何幸雙魚傳尺素昏黑開
緘剪窗燭出入懷袖不敢忘淋漓滿楮寫珠玉我今
策蹇向長安擊筑高歌易水寒望君奏最來燕市相
逢把盞傾交歡

寄懷譚子開之

諱吉緯

往歲燕都曾作客傾蓋逢君還接席丹青寫就近化
工白雪吟成動詞伯慕君高誼愛君才逆旅追隨數
晨夕我遊南越君適齊伯勞飛燕各東西難憑魚鴈
傳尺素屋梁落月空淒迷攝提屢易歲籥更別離五

載復班荆深夜檢書燒短燭華筵緩酌對長檠栢亭
行樂歡無幾我復南轅歸梓里兩地相思各相望迢
遞吳江隔汝水邇來計日向燕山君客南州猶未還
日邊有使適長安頻將珠玉慰衰顏

壽范侍郎

諱達禮

三月入都後作

少伯聲稱舊史傳君家勲業繼前賢沙堤舊業箕裘
永幕府新除棣萼聯執掌持籌會裕國丹心抗疏
回天遐齡從此符嵩岳不羨安期妄學仙

壽閩中劉督臺

諱斗

巫閭鍾秀起英賢萬里旌旄節制專從此榕城霑化
雨遂教閩海靖烽烟貂蟬貴胄連瑤席組練戎臣侍
綺筵南極輝騰秋月夜風流常憶庾樓前

壽閩中吳垣中諱愈聖

孰繼延陵季子賢榕城瓜瓞復綿綿聲傳鴈塔名通
籍望起鸞臺寵賜箋桃徑花陰枝拂地楓宸草疏力
回天瑤觴進酒籌無算果有羣真會九仙

壽高孝廉芝巖太母王安人諱燦江南金壇人

荆山迢遞接燕京

乃其尊公歷任處

會助名賢起政聲賈母

倚門今北望大家隨子欲東征時高斑衣恰捧霞觴
進玉律初逢歲籥更此日慈幃歌燕喜蕩湖碧水勝
蓬瀛

壽閩中吳進士父

名會芳庚戌進士其父諱皖號伯舒癸卯孝廉

榕城佳氣出塵埃知是高賢嶽誕來鵬翼已曾翻越
嶠鳳毛又見起燕臺雲依荻舍征車至綵舞萊衣綺
席開此日稱觴榮畫錦共傳世澤有三槐

代贈鹽官父母二律

茂宰能抒蒼赤憂心勤撫字蒞南州秦山喜覩雙鳧

集海國欣傳五袴謳

卷三

長安別朱鶴門邑師

時奉江西
樞關之命

憶昔渡江探禹迹夫子爲政聲藉藉再攜琴劍蒞我
湖冰心輝映玉壺白到今父老終遺恨無計攀轅留
雙鳥龍也偃卧學黃庭跡似鴻飛杳冥冥夫子知我
落立意許列生徒近帳屏後違函丈越南北惆悵燕
山雲樹色往歲濫充王國賓得傷宮墻履道域忽拜
綸音罷老儒風塵黯慘卽長途邇來重許對大廷披
拂春風列坐隅已飭中廚備豐饌更沽美酒進醍醐
時當盛夏愁逆旅永夕爲歡忘炎暑銜杯接席會幾

時驪歌一闋感離緒鱸膾秋風歸計難且走大梁入
南楚征途攬轡據雕鞍舉鞭遙指識長安盼望吾師
試舟楫巨川波浪盡安瀾

寄汀州孟太守

諱熊臣代作

當年三晉共盤桓一別河梁會晤難會憇甘棠留鴈
嶺還看瑞麥徧龍灘蹇帷澤畔隨麋鹿卧閣花間集
鳳鸞指日徵書褒治狀相期把盞在長安

七月十九發保定府

蟋蟀鳴秋玉露清沉沉夜漏已三更燈懸旅壁驚鄉

夢月照沙堤伴客行茅店晨雞催曙色城頭曉角弄
殘聲掀髯馬首還相笑半老風塵誤此生

宿清風店

往年爲客宿清風會題古調賦詞雄新豐景物仍如
舊愧予衰顏貌不同

樂城懷古

往昔樂武子采食於此城強晉興霸業荆楚請受盟
吾行過此邑彷彿挹精英奈何生樂廩再世失家聲
懷子圖入晉反覆竟無成惆悵追往事攬轡且徐行

歲久亢旱不復豐樂。明晨遇雨驢背口占。
河朔燕南愁歲旱。偶行豐樂雨滂沱。村名豐樂誠豐
樂。八蜡還興擊杖歌。

前題

曉過邯鄲晚渡河。銜盃豐樂一停珂。峰頭暮看烟嵐
起。陌上朝來潦水多。從此田疇沾霖霰。免教雲漢托
詩歌。只因喜雨情關切。不惜濘泥困道途。

淇縣道中

一別都門客路長。經旬旅宿在他鄉。湘江夢澤迷雲
樹。馬首西瞻近太行。

滎澤渡河

飄揚雲氣動秋風。幸涉河流驛路通。農事築場吟蟋
蟀。征人行役嘆飛鴻。遙瞻楚水微塵外。回首燕山杳
靄中。此後生涯須轉計。扁舟歸去逐漁翁。

絕句三首

怒濤東注殷如雷。挂席乘流恐楫摧。却羨沙頭雙白
鷺。隨風貼水去飛回。
水泛桃花自古然。宣房空築費金錢。盛朝應有懷柔

日四瀆安瀾靜百川
黃流暴悍齧桑田
河伯徜徉遂輾然
勸爾朝宗歸海
若應旋面目化平川

信陽山中

疊嶂烟嵐幾萬重
藤梢橘刺路蒙茸
山靈羞見風塵
客故遣白雲鎖碧峰

久客燕山節序更
五噫歌闕出神京
長途寂寞無知己
萬壑松風寫我心

過松嶺

前題

長安回望遠相違
曉發申州露未晞
稠疊雲山環馬首
寂寥村舍掩荆扉
幾羣好鳥啼深谷
無數幽花映翠微
觸目林泉多勝賞
只愁密雨點征衣

是日遭雨

楚中雜咏

初至江夏

征途迢遞二旬餘
始泛舟航倦體舒
挂席未逢西塞鷺
西塞山亦在楚中
堆盤初進武昌魚
不煩驢背吟長句
且檢奚囊閱素書
穩卧繩床身似蝶
蹠躩飛向舊衡廬

黃鶴樓

樓爲方伯劉公敬菴重葺畧叙其事黃鶴樓邊有仙棗亭

縹緲仙踪事絕羣名賢出牧慕清芬重脩舊館招黃
鶴還使昔人下白雲海棗如瓜枝爛熳江萍似斗水
氤氳飄飄身近蓬瀛侶常揖時人謝世氛
南楚山川夙擅名登高遠眺不勝情層樓壁立臨江
岸獨鶴踟躕返玉京數點風帆來遠浦幾重雲樹擁
巖城蒼茫遙望烟波裏淚灑芳洲弔正平

絕句四首

爲客漢南多暇日每尋勝地恣閒行何時舟泊江城
下一聽梅花玉笛聲

青蓮不敵司勳句遂欲揮拳黃鶴樓好景應須還楚
地何勞遷怒及鸚洲
登樓悵望白雲間木落秋風客未還倘有仙人攜跨
鶴不愁日暮隔鄉關
江漢名都洵勝遊棗亭歷遍懶登樓止因難賦驚人
句未敢飛攀最上頭

與公八月廿六日遊洪山寺

客邸昏昏只晝眠且登傑閣望江天羣飛鶴鶴摩霄
漢閒放牛羊牧野田巖徑高攀離色吟石林小憇得

安禪晚歸更覓坡塘路猶見殘荷映水妍
容似庾樓懷古却且登塔閣望云天
庚公雅典興寄南樓參佐風流互唱酬千古止留明月
在清秋寂寞照沙洲

楚藩故址

余客舍後卽大觀山也登山陟嶺見楚藩宮闕頽
垣僅存所見惟荆榛蔓草而已因賦一絕
帝子分茅在楚藩嶙峋宮闕樹重門我來眺望興衰
異惟有頽垣枳棘存

漢陽吳賡菴先生以酒蟹見餉詩以謝之

秋風蕭瑟動離思寵貺分頒忽解頤
箸下清樽桑落日盤中紫蟹菊芳時
數盃浮蟻愁銷盡隻手持螯興
近癡飽後醉餘無所事舞同鷓鴣
一題詩
雲中青鳥渡江天尺素銜來向我前
異味欲嘗先動指香醪未飲已流涎
將同元亮傾新漉應笑君謨誤
雅篇擬賦老饕難猝就幾迴捫腹舞僂僂

晴川樓

司勳偶賦晴川樹遂構層樓隔岸間
若使漢陽添雨

色不知何處覓晴川
我鄉樓閣名烟雨怕對晴光雨欲收有力負來如並
建兩家蠻觸幾時休

又二律

崢嶸高閣起陵陂徒倚憑闌望水湄神女祠邊行雨
後郎官湖畔弄晴時風搖水面琉璃色月到天心冰
玉姿更愛騷人多逸興壁間碑碣遍新詩
緩步登樓縱目賒楚中景物舊繁華帆檣比櫛幾千
艘宇棟連甍數萬家江漢合流添怒浪龜蛇分嶺接
晴霞夕陽一片波光裏疎柳寒塘起暮鴉

舟發武昌江津翫月

搖落霜林氣薄寒孤舟晚泊宿江干雲端飛上青銅
鏡水面光生白玉盤一鴈橫空聲嘹唳群魚掉尾躍
波瀾可憐永夕清輝好只向沙頭索影看

夜宿百樂岡

南去岳州
四十里

戍樓村舍是何鄉傳道巴陵百樂岡遂令檣帆依淺
瀨更牽繩索繫長楊蒹葭兩岸藏漁艇鷗鷺群飛逐
鴈行坐看東山明月上與波吞吐弄清光

洞庭阻風連宵黃茅岡下

九月十七十八日連阻風雨

黃茅岡下傍檣桅苦雨終風晝不開沙鳥飛隨霜葉舞江豚翻湧浪花來君山縹緲誰能渡湘水淪連漫泝洄且向荻蘆臨釣石支頤拄杖一徘徊

洪濤飛捲拍巖前水勢瀾漫接楚天信宿黃茅樓斷岸閒消白晝對長川銜盃數飲蘭陵酒下箸加添縮頸編枕藉舟中酣寢夢覺來始悟洞庭邊

贈別字雲上人返棹南嶽

族姓張吳興南潯人也

我行入長沙迢迢吳楚隔偶逢雲上人乃是故鄉客

稅駕問何方南嶽錫飛擲棲遲四載餘淨業得月白慇懃話里居陶然娛永夕邂逅會幾時忽挂衡陽席君去樂巖泉我留困行役執手別河梁徘徊不忍釋

願示摩尼珠一脫風塵厄

長沙前任趙廉憲章我招飲賦謝

諱冕南昌人

天涯何處識荊州豈意湘南托宴遊綺席恰逢黃菊好清歌還使碧雲留平原歡會渾忘夜水國霜寒始感秋三楚庾樓明月在繡衣此夕繼風流

蕭寺遣興在旗纛廟

九月霜楓漸改柯長沙爲客興如何城隅巷僻塵氛
少山寺雲深野趣多嬌鳥啼花聲曉綠楊帶日影
婆娑夜來孤館誰同伴只有禪燈映薜蘿
天聖李提臺招飲詩以誌之 諱胡拜

腰懸長鋏未曾彈濫厠筵間上客看部伎分行鳴鼓
角饗人繹絡進盤餐把盃鈴閣除苛禮擊柝轅門近
夜闌座接貂蟬真挾纊醉歸旅舍耐霜寒
提臺復以雪夜出女樂餞行

鈞天仙樂昔曾聞
都中已會演戲綺閣邀賓忝入群已見素

娥先集霰更煩神女下行雲霓裳不逐巴人隊組練
應稱娘子軍雪滿瑤堦寒起粟猶添銀燭晃紅裙

林撫軍招飲賦謝 諱天擎

荆楚雄州控百蠻重臣節鎮位崇班威行介冑瞻丰
采禮下章繼承笑顏坐接輕裘欣邂逅歌聞雅奏幸
追攀席間揮塵談立理便欲懸車去買山
撫軍筵開談及立教

已上疏致仕

賦謝馬臬憲

諱斯良與觀揚通譜余未投刺先邀方伯汪副總枉駕旅寓

懷中挾刺未登閔曲巷傳呼枉旆旌藩伯連鑣飛翠

蓋總戎並馬綴繁纓綺筵縱飲過三爵銀燭高烧近
五更執手臨岐多寵賚儒生何物報瑤瓊

謝岳州包郡守

諱元辰號樞
臣仁和人

范公會記岳陽樓路出名邦且沂流羈旅三秋隨郢
客追攀五馬識荊州清樽滿引消長夜水俸分頒壯
遠遊治狀行將推叔度巴丘襦袴動歌謳

長沙客中有懷越萬弟

去歲還家度朔風白頭相見樂融融我同康樂吟池
草君異阿奴用火攻燕市音書無駿犬楚天尺素斷
征鴻何時共被松山裏萬種離愁一笑空

舟泊蕪湖除夕漫興

假道襄垣泊水涯江城景物競繁華雕甍畫棟三條
市桂楫蘭橈兩岸艤遙望故園違異地暫隨估客共
爲家孤舟兀坐深更夜銀燭燒殘屢結花

赴壑脩蛇歲有涯止留一夕舊年華雪霜寒色侵江
路爆竹喧聲到客艤鷺水兼程難問渡蜩磯憑夢易
還家歲除不用傷遲暮臘盡春枝又吐花

辛亥年

沂州道中

孟春日自楚中旋里仲春十二日復遊蘄北至廿五日過沂州時值清明衣沾微雨驢背口吟一絕策蹇徐行魯道中清明又見雨濛濛旗亭酒肆依山麓不假前村問牧童

曉行泰山下

崢嶸泰岱表齊封山徑潛行動曉鐘耿耿明河隨落月遲遲旭日上孤峰泉飛澗壑溪流急杏發林叢花氣濃却怪長亭新柳色無端搖曳惹春風

京邸雜作

端午宴集

節屆天中晝漏長欣逢帝里泛蒲觴數年浪跡辭蓬戶此日占星聚玉堂憑弔汨羅思悵恨飲酣河朔意飛揚階前醉看榴花發景物依稀似故鄉

贈周儀部權稅維揚

望起容臺瑞錦姿遂將權政寄箴司玉壺夙昔傳清節班管何妨判度支叢桂小山堪拄笏官梅傑閣好題詩瓜期更代鶯遷近明月雷塘漫繫思

張青贈德州金刺史

偉人著績政多端
泰岱東封奏治安
嶺接平原堪柱
笏風移樞道化探
丸褰帷行處隨
麋鹿卧閣堦前集
鳳鸞梓里從來通
世誼征途策蹇且
盤桓

客中遣興

竭來竟何事
盡日卧繩床
朱明麗景色
炎蒸苦晝長
醒時還復卧
陶然通睡鄉
日晚步前除
白榆蔭短牆
颼颼吟風葉
弄影送微涼
手攜一石銚
滌茗自煎嘗
豈獨潤喉吻
兼以漱枯腸
奚囊開卷帙
舊業益荒唐
棄置不再陳
一室且翱翔
委心任榮辱
此意近羲皇

送友人南還

昔辭鄉邑來帝京
尚逢秋月氣淒清
歲序遷流玉律
改黍谷回陽萬彙榮
我因景物愁離索
翹首天涯望
友生有客欵門手
挾刺異鄉驚喜故人至
故人相見無雜言
但話終年長別事
北海開尊並坐花
南郊走馬喜聯轡
天中佳節不相負
切玉包金珍羞異
醉中起舞學鴈鴒
鴒之鴈之失行次
喜君挾策對承明
詞源筆陣動公卿
笑指鄒枚如儉父
氣劇屈宋爲老兵

向時汨沒風塵裏從此海內識飛鳴奚囊收拾燕山
色雲舒霞卷賦南征我欲旋歸歸未得驪駒歌罷三
嘆息季膺鱸膾動秋風與君執手吐胸臆

孟叔翁雙壽

子端士諱亮揆
太史吳門人也

縹緲吳峰紫氣垂伯鸞案食有齊眉家隣鶴市稱觴
日人羨鸞坡視草時玉椀香醪分郢水銀絲鱸鯉出
蓬池五花紫誥榮黃髮笑看椿萱並採芝

壽戴起部乃翁

鑾儀衛官子名
綸工部郎中

扈蹕閒來每據鞍燕臺倚劍夜光寒功書門闕連珂

里禮重高年賜禁嚮玉樹臺郎來粉署珠林羣季擅

詞壇遙知麟閣圖形後醉聽笙歌夜舞鸞

和覲翁喜又榮兄初至

昏昏午睡夢初回忽報良朋襍被來遂解行裝連綺
席還思攬轡上金臺池塘草綠添詩句棣萼花穠擅
賦才聚首神京多樂事不煩稅駕步山隈

喜伯一兄初至和韻

荏苒韶華客裏過故人邂逅樂如何空梁落月愁思
盡秉燭深更話舊多忽唱陽春慚下里敢依喬木托

烟蘿天涯知己欣相聚白首狂夫幾笑歌

天津道中

六月初二出都門將往開州至初六登舟十六日俱留宿天津

行別都門近二旬計程尚爾宿天津數遭驟雨風迴

棹屢覩疎星月上輪渡口鳴蟬驚節物夕陽歸鳥感

征人前途思托金蘭契願上華堂望後塵

末二句意指蘇氏昆

季

贈蘇氏昆季

眉山累葉繼芳塵豈止端明與穎濱荀氏六龍雖異

數薛家三鳳實同倫紉蘭欲結懷中珮倚玉思親席

上珍傾蓋論心聯縞帶何妨中路一逡巡

舟中贈袁州宜春縣易生

公勉諱慎行將來歲貢士

帝京走馬向潞河乘流挂席入烟波爾時正逢三伏

始毒熱炎威奈若何闕來強進盃中物唾壺擊罷不

能歌倉皇舟次遇俊英三冬文史漢董生天人妙蘊

久著策正欲謁帝向承明與我談心能寫意與君

論交如舊盟幾夕清風明月共數遭雷雨愁楫傾長

途相對慰寂寞我將登陸問西征臨岐悵悵難言別

驪駒在門歌欲闕伯勞飛燕各西東望君南轅還北

轍重會長安旅邸中再親芝宇聆玉屑

澶淵旅中賦贈青門孫刺史

開州古澶淵

少年與君初邂逅傾蓋論心似故舊西子湖頭芳草

歇王孫遊女猶輻輳鶯花隄畔鞚飛驄簫鼓中流舞

長袖客中逸興頗清狂盪漿排空遶巖岫爾家嚴君

齒最高我隨杖履列坐右紅妝促席送斜陽銀燭燒

殘猶迤逗此夕風流雲雨散良朋樂事不重覲尚幸

鷺水接鶴湖常親有道破孤陋桑滄變易陵谷遷禍

患相仍百慮煎娟娟美人去咫尺溯洄欲往苦無緣

長安旅中重聚首倉皇一別幾經年喜君剖竹連畿

輔不辭炎暑向澶淵我來村店訪風景民歌襦袴士

誦絃退食公餘多清燕卧閣花前選相見契濶多時

話別長把酒張燈出豐膳平原歡會樂未央妙選伶

倫重開宴感君厚意同山岳芳樽傾盡覺沉洄燕山

指日賦征行回首復關心眷眷

復關卽衛風所賦地在澶淵

瓜期

已及望遷鶯舉觴遙祝待

神京

寓居興國寺

身苦征途憊與僧且作緣琳宮藏古木仙梵雜鳴蟬

感物秋初至思家客未還更闌長不寐邀月伴宵眠
城隅散步

興來隨意步俄頃歷街衢佛閣離塵畝僧寮傍水隅
載塗多瓦礫曲巷委榛蕪賴有循良守幽風續畫圖

登城遠眺

以上俱開州作

登城方薄暮眺望目無窮瓠子垂遷史旄丘咏邶風

乾坤今古異景物盛衰同昔日盟壇圯荒郊蔓草中

澶淵卽宋真宗盟契丹處春秋時亦屢見經傳

過黃梁夢呂翁祠

從開州還京途中所作

北去邯鄲二十里有小村店里人行客俱呼此地
爲黃梁夢建以呂翁祠祠立三殿傍有樓閣前有
荷池首殿則居鍾祖二殿則居呂祖二祖俱塑立
像似有接引人意末殿則塑盧生像卧一石榻猶
然黃梁夢時也

黃梁一夢顯奇踪遂謝人間伴赤松三過祠前瞻廟
貌兩叅廡下識仙容柳垂洞府烟如織荷植蓬池色
更穠自笑風塵忙裏客未知瑤島許相從

盧生此地識仙翁遂構祠堂市肆中地接邯鄲連魏

闕人遊閬苑入蓬宮蛟龍畫壁生雲氣鸞鶴窺壇下
碧空行客倦來思小憇也應枕上歷窮通

憶余丙午仲夏遊濬縣道出邯鄲因過黃梁夢處
黃瞻禮祖像跨驢而去時因天氣蒸熱流汗被體懶
不作詩意常耿耿去歲庚戌孟秋遊楚蚤過此地
曙色未開不及進祠惟見雲樹模糊三殿隱現而
已驢背雖口占三絕不及繕寫遂爾遺忘今歲辛
亥從澶淵北還又經此地停驂祠外初入廊廡輒
見荷花滿沼中構虹梁建以亭榭顏之宛在中央
晤對之間涼風披拂香氣襲人遂覺塵凡迥隔矣
復禮祖像乃投宿沙河店中明日霖雨大作連歇
蓋旅舍因成二律故首詩有三過祠前瞻廟貌兩叅
車廡下識仙容之句噫余學道多年棄蒲團而事鞍
馬可謂吾喪我矣然以驅馳南北因得屢躡仙踪
或亦前生有夙契爾雲烟三轉電掣九迴
對中贈高進士
去欒城二十里有水火舖午飯投店遇晉州高進
士名去怠談及浙中山水以及吾湖里居甚悉云

朱鶴門作令時曾來客遊故也出語頗韻遂並轡
北行偕宿旅店以詩蒙贈依韻和之

兄名去勉卽朱邑侯同年

懷中挾刺向誰投豈意高賢托並遊
晝接征途同攬轡夜連逆旅聽更籌
凌雲賦就驚三輔郅雪歌成壓九州
仰羨鵬飛還自笑螻蛄孰許說春秋

車轄何人肯再投無端忽與孟公遊
相逢陌上成傾蓋紆策幃中待運籌

君挾雄才誇趙璧我添聲價托荆州
滹沱水面飛征鴈

去店五里卽滹沱

蕭瑟鄉關又感秋

自開州重歸京邸

送劉石芝學臺赴浙

名元琬河南汝陽人中秋望後三日

南州汝穎水潺湲遂有名賢起德門
學繼更生推漢代才同公幹重梁園
蹊成桃李將垂蔭宿應星辰初拜恩
從此吳峰連越岫一時礫石化瑤琨

新膺綸綍賦南征

分手長安話舊情同受青蠅汚白

璧共遷喬木轉流鶯君衣豸繡衡多士
我去鳩曹問

耦耕化被菁莪餘暇日西冷湖畔好班荆

殿廷橐筆

係沈太史繹堂徵詩二題

繹堂初繇詞林出爲大梁道復遷通薊道以事貶
會稽司馬未之任卽擢翰院
梁苑分猷去玉堂重膺寵命侍君王佩魚依舊親香
案授簡從容趨廟廊筆陣飛雲成鳳彩墨池噴霧動
龍光鴛班垂橐天顏喜漫比騎驢背錦囊

閣門賜貂

誰指碧山是隱淪翱翔天步復逡巡爲因翰墨推前
輩遂出貂蟬寵舊臣榮比金蓮光徹夜煖回玉署氣
生春當年賈傅還宣室少此慇懃念積薪

蓋出京後歸途九月十二日張灣發舟

和沈子以翔晚發天津途中寓目九月十六

郊關行別遠猶得望樓臺岸葦迷津渡沙鷗逐伴回
長天連野盡落日漾波來遙憶還鄉邑寒冬未吐梅

再和以翔途中原韻

迢遞關河客路長三秋垂盡鴈成行琉璃萬頃波搖
月錦綺千林樹染霜野店山庄隨信宿鳴鈺擊柝起
徬徨晨鷄枕上聞三唱黠鼠嚶嚶猶嚙囊

舟泊下口去東光邑二十里

水映霞光欲暮天
蘭舟維繫戍樓前
霜楓落葉飛仍
聚宿鳥棲林去
復還自愧飄蓬
辭故里喜隨彩
鷁泛長川
楚雲望斷吳峰
迢遙指鄉關
籠暮烟
夜宿蒲頭
是二
蒲頭小市早停舟
雨打窗紗夜不休
秉燭深更猶兀
坐焚香展卷一銷愁

偶興

老去衰顏鬢滿霜
那堪復踐少年場
邇來萬慮消除
盡尚有奚囊債未償

舟攜雙鶴夜半聞喚

深夜秋霜月倍明
舟中雙鶴弄清聲
聞音誰是關情
切鈎引長康客夢驚

偶興

我愛雲山對夕曛
微風水面盡波紋
只嫌畫舫笙簫
沸驚散沙鷗不入群

舟中漫興

蕭瑟秋風憶故鄉
相依良友指覲
托舟航錚鏗鼓吹

喧洲渚閃爍旌旗耀
野塘燕市塵沙連
暝色隋堤明

月接清光寄聲猿鶴休嘲笑計日行將到草堂
和友人韻

遙望家鄉遠隔天乘流鼓楫尚遲延舉頭却羨南征
鴈健翮凌風早向前

維舟南望嶺
地有分水龍王廟南行至此則順流矣

斗柄西斜指季秋燕山攬轡下歸舟每愁行路多艱
阻今喜揚帆趁穩流明月相隨離北轍征鴻作伴向

南州還家未得誇清暇棣萼花前費唱酬
聊城道中舟過傅相園亭和覲揚馬少司寇韻

畫船簫鼓雜鳴笳路出名園日欲斜綠野堂前多插
柳平津閣下遍栽花豈知華表難歸鶴只見沙堤集

晚鴉驛路停舟詢故老空庭羅雀相公家
傅相以漸字星巖已

物
舟中聞鶴喚和覲翁原韻
即覲揚攜歸者

參差斗轉月澄清雙鶴舟中夜半鳴難望乘軒留帝
闕且將垂翅動鄉情聲傳嘹唳悲遊子語帶嚶鳴仗

友生遙望青田歸未得臨風翹膝旅魂驚

君不見任城南池集小舟杜老題詩紀昔遊又不見
謫仙羈旅會逗留沉醉歌呼造酒樓兩賢往事今消
歇城隅留得當年月我愛月明似昔人舟泊清潭月
未缺清潭照月漾微波廣寒宮殿影婆娑雲中仙子
何淖約分明咫尺近嫦娥仰望嫦娥急下拜賤子陳
辭祈賜賚不願秋風分桂枝願將杵臼貸塵畝元霜
搗就藥一丸予我長生起衰憊年年長向南池遊酒
樓多負尋常債

駱馬河二律

爲愛秋光望九臯湖流水勢正滔滔長天浪湧難移
棹淺瀨沮洳亦沒篙無數征鴻翔遠浦幾群沙鳥泛
寒濤却慚漁父烟波裏篷底昏昏醉濁醪
萬里乘風意尚豪喜逢巨浸息波濤揚帆直欲窮三
島鼓柁還將釣六鰲綠樹微茫藏野墅蘆花隱現動
漁舠眼前景物堪圖畫客路何須感二毛

舟泛黃河見役夫興築偶爾感賦

源從星宿發洪川徐泗分流不計年汎濫于今歸海
若餘波猶見齧桑田空沉壁馬勞巫覡終費金錢役

市廛蟻穴長堤興荷插千家萬井少炊烟

黃河水竭道阻漫成三首

萬古星河派今朝澤竭陂天根懸碧漢地軸梗流漸
牛馬依然辨蛟龍漸竄移淮徐連咫尺未得數歸期
其二

黃河留信宿猶未得圖南遣悶持盃酒尋歡勉笑談

家鄉迷野樹舟楫滯寒潭鱸膾三秋盡羈棲更不堪

其三

百川秋灌溢河伯恣咆哮豈意遷陵谷方慚器斗簪

飄塵愁涸鮒竭澤泣潛蛟夢想吳江路鸚洲寄草茅

初渡黃河

係舊作附三首後

宿海分流遠桃源曲岸迷不愁風險惡每患水淤泥

雲盡乾坤合波浮日月低蒼茫燕樹遠難辨路東西

代贈張幹臣學士南還

諱貞生

時因朝廷北狩諫止重臣巡方遂有左遷之命

西江理學冠鴛班啓沃親承香案間為感瘡痍憐節

屋直陳讜論犯天顏終思補袞還宣室莫效焚魚戀

碧山暫爾南轅終反旆臨岐何必唱陽關

山舟渡洪澤

仲冬初七夜宿湖中初八風恬浪息復宿湖口

素聞洪澤雄淮甸今日鳴鑿發棹歌彩鷁衝颺翻雪浪紅霞落照沸金波乾坤浩蕩連鼉窟吳楚微茫著菜沙夜宿中央燈燼滅寢同鷗鷺夢偏多

其二

洪濤巨浸表東封萬壑朝宗盡斂容點破青天排鴈鶩鈞懸新月釣魚龍水聲鏜鞳喧長夜霧影淒迷沒遠峰猶喜朝來風浪靜挂帆南去問吳儂

舟中感興

從古千金子坐則戒垂堂彭公一矚井緣木尚徬徨自笑遠行役浪跡違故鄉屢冒風波險垂老益荒唐去歲遊西楚覽勝歷瀟湘洞庭水勢惡祈祝拜東皇江豚舞澎湃舉措實蒼黃猶不思惕惕恣意任披猖再走燕山道歸路駕舩艤河流來積石叢桂隔淮陽前途泛洪澤暮宿水中央遙望乾坤坼太虛涵渺茫星辰懸倒影珠璣吐夜光潮聲弄窾坎舟楫與低昂終夕不能寐反側強支床曉幸驚颺寂江天一葦航回思白波裏軀命委穹蒼萬事應知止行險非蹈常

憑河永垂戒歸計問農桑

洪澤七言絕句

黃河東折向陂湖萬頃琉璃一畫圖晚映晴霞同赤

水好教象罔探元珠

其二

瀾天水勢匯洪湖滿壁滄洲憶舊圖影落明星光照

乘只憐蕩漾不成珠

其三

尺吳髣髴現平湖刺繡波濤並海圖南去分流連合

浦孟嘗若在可還珠

其四

皎皎寒潭一鑑湖舟行水面似披圖驪龍泓下時吟

吼乞予摩尼白月珠

其五

南國爭衡列五湖應慚巨浸逞雄圖鮫人織作潛宮

室出市水綃望泣珠

其六

何物神靈隱碧湖燭天光氣出河圖寄聲范客來商

叟曲水遙隅沫得珠
天光流出四圍香
登茲客來商

其七

昔日郎官紀沔湖
何如此地更堪圖
漢臯神女倘相
過交甫於今好佩珠

其八

支流吐納盡趨湖
摩詰丹青未易圖
沙岸漁燈光映
水游龍錯認戲明珠

其九

滔滔巨浪起長湖
淮泗羣流屈壯圖
漢武若來沉璧

玉馮夷不惜報隋珠

其十

薄暮風恬月浸湖
依稀憶得輞川圖
澄波碧水明如
練老蚌深潭夜剖珠

其十一

鏡面爭妍西子湖
粧成濃淡麗人圖
濤聲鼓浪疑張
樂譜奏淋鈴一斛珠

其十二

迢迢星渚入南湖
仙客乘槎可按圖
深夜宓妃來遠

浦翠翹金雀耳秦珠

曉過秦郵湖

仲冬十二日

朝來初日晃羣峰水面微茫宿霧濃移棹長年聲款
乃遡洞部伎樂錚鏦雲橫霓社烟光起練繞吳閭樹
影重此去津途波浪穩還鄉猶未迫殘冬

舟泊維揚

涉險衝波動閱旬雷塘驛路尚逡巡仙舟久幸同元
禮客路何煩過賀循明月畫橋添逸興官梅東閣引
騷人莫嫌此地傷留滯歸逐漁樵卽隱淪

旱渡楊子

瓜步乘潮曉遡流攬衣眺望遠凝眸矐矐日色披雲
起靄靄烟光着水浮吳楚合江趨渤海金焦分嶺控

雄州鐘山鈇甕連形勢六代於今王氣收

中二聯玉帛州航通

貴道金焦砥柱控雄州亦可

行近故鄉舟次遣興

數載離家事遠遊驅馳京邑客他州別來猿鶴空山
怨拋棄松筠礪戶羞平子歸田尋舊徑潛夫着論慰
窮愁歌魚彈鋏非生計終學黃冠細討幽

其二 題趙非士竹溪草堂詩卷

昔年屏跡課農桑，誤逐風塵去草堂。
事業荒唐隨轉燭，髣毛衰白漸加霜。
遊梁愧乏相如賦，入越慚無陸賈裝。
聊比伯鸞瞻帝闕，五噫歌闕遂翱翔。
入閩遊梁後重至京

師

其三

汗漫相期偶浪遊，飄蓬南北似虛舟。
去年荆楚消殘臘，今歲幽燕歷暮秋。
難望虞卿雙白壁，更無季子一貂裘。
空囊歸去慚羞澁，梁父吟來且解憂。

還鄉後味

題蔣松如小像

代作

吾識松如尚穉齒，坦心古貌古人似。
日讀陰符閱素書，更發青囊窺秘旨。
來往名山大澤間，牛眠龍角親垂示。
嗟余仕宦遊帝鄉，魚沉鴈杳歲月長。
去年請假還梓里，訝君鬢髮點秋霜。
為指佳城封馬鬣，慰我先慈歸北邙。
張生手挾化工筆，圖出君容踞盤石。
君號松如，果似松。松石為朋，心莫逆。
心遊物外，馳八荒。猶戴章甫履，赤鳥丹青雖寫貌。
余意欲傳神，傳神在何

處毛頰未全真寫君宜寫商巖岫東園黃綺結隱淪
採芝長歌綿鶴算未數桃源有避秦

送郭羽士去勝往雲間鍊法法法容觀繼不香

乘流挂席問烟霞遲日春山競物華嶺上飄梅成白

雪溪邊新柳發黃芽身披鶴氅風雲繞劍佩龍泉星

斗斜豈獨擎囊攜豁落薪傳玉局更堪誇如前賦

古笠上人飛錫松山方欲賦詩投贈適觀翁攜示新篇依韻漫成然於詩

意尚未屬和俟他日再一拈韻耳

三徑荒蕪草暗谿何人郊外問巖栖重尋廢圃思攜

甕驚怪衡門覩杖藜道岸望來愁汗漫迷津今始辨

東西風流二老交初訂鳳字無勞縱筆題

其二一輒辭萬劫空

泛海曇摩世所尊燈傳五葉歷千春自慚鷺水風塵

客勉作廬山白社人幸遇支公時說法可容玄度日

相親三車引喻天花墮欲了無生証昔因

蕪壬子年謝林西台志此塾卦人尚亦無

雨餘暮春泛湖是日觀翁設酌舟中借飲者晚田學山子元三人碧潭上人入杭寓湖上

西子賦諸一作西子賦

西子湖光一畫圖春禽磔磔向人呼
桃溪花落飄紅雨梅嶺陰濃綴綠珠
已泛蘭舟牽荇藻重尋蓮寺踏
蘼蕪晚來攜棹西泠去油壁佳人尚有無

蘇軾其二

暮春十二日

蘇軾

遲日陽春花氣融良朋招飲泛湖中
畫橋寶馬嘶芳草野渡漁舸漾晚風
寺下寒泉尋往跡山中古墓痛
孤忠唏噓無限興亡事一醉清樽萬慮空

東西重泛西湖

蘇軾

綺陌花飛春半消那能寂寂坐僧寮
初尋古寺搜林麓復上高樓望碧霄
雉堞參差環翠岫畫船容與渡
朱橋更憐落日山銜照一片霞光散紫綃

西子雨中泛湖

蘇軾

西子晴波披素練微添霖霖逐濃粧
風翻鏡面嬌容換霧隱嵐峰寶髻藏
且聽笙歌移畫舫漫將雲雨憶
高唐濠梁已羨鯨魚樂濕翅鷗飛意覺忙

賀友人納姬

時尚寓杭

仙姝淖約玉爲肌巧與檀郎作合奇
松栢西陵盟息壤鶯花三月定佳期
舟行古渡攜桃葉板按新詞對

雪兒好比移荷安屋裏採蓮歌罷咏螽斯

古樂府有移荷安屋

裏夜夜抱蓮子

山中感舊

會披山徑訪蕭娘笑看當壚索酒嘗却怪流光真電

影忽將玄髮換秋霜

昔日蕭娘似麗華朱顏不假醜桃花而今尚有風流

在玉作搔頭寶髻斜

偶興 游仙體

懶從海外覓瀛洲溷跡塵寰托勝遊常愛吹笙隨子

晉時時控鶴碧山頭

其二

偶帶黃冠着鹿裘世人錯認是浮丘那知天上多苛

禮且逐脩羊陸地遊

脩羊公避跡人間不樂居天上苦上界禮法煩苛更甚人間耳

其三

兜率休誇勝海山我將兩地任飛攀中途偶遇安期

子攜我蓬池碧水灣

蘇亦湖堤感興

江左繁華隨劫火錢塘景物尚堪誇雲巖還放林家

鶴油壁重逢蘇小車城郭面山仍帶水湖堤種柳復栽花風情樂處留遺恨月白深更未泛槎

堤上新植花柳

予謝沈寅上布席西湖邀請覲翁并走東招余是日

雷雨忽作須臾開霽

動地雷聲殷似鼓湖光杳靄雨繽紛方看翠黛迷煙樹復奏清歌住碧雲人在蓬瀛離色吟舫隨鷗鷺托

同羣休文接席依南郡漫憶蘭亭羨右軍

殷字詩讀作隱

孟夏肱重泛西湖

同遊沈玉華咸一大文

蘭舟搖曳惜春歸路出葑田倚釣磯荷葉青錢鋪水

面楊花白雪點人衣歌聲响徹驚沙鳥醉眼迷離送

夕暉滿座賓朋分手去一鉤新月挂禪扉

遊天竺至靈隱得晤晦山上人雨作復霽歸賦

一律時同遊者張華亭伯升馬少司寇覲揚

衲子三平

追陪良友托軒車曉入溪山幽徑斜澗道潺湲流瀑

水經筵繚繞墮天花西來飛嶺通三昧北接高峰合

一家邂逅支公沾法雨忽披雲霧又晴霞

越中遊吼山三律

四月十三日

吼山泉壑甲名疆不厭探奇一葦航好鳥林間調綺
舌野花村落送幽香石梁險窄通巖竇峭壁崢嶸面
草堂俄頃登臨觀不足從今魂夢惹寒裳

其二

丹崖翠峽列垣墉左右羣峰盡斂容巧匠斲來畱瘦
骨巨靈擘處剝奇縱巖前古木常棲鶻澗底寒泉有
卧龍小憩禪房真勝賞蘭亭何必再扶筇

和覲翁韻

造物何年顯化工削成赤壁兩峰同羣羊化石臨千

仞奇鬼搏人立四通苻藻牽魚翻碧澗松筠帶鳥弄

薰風歸橈已入前溪路清磬猶然出梵宮

早渡錢江

四月十五日

美林中山

籃輿路轉泛輕舸浩淼錢江極目遙旭日雲開尚隱

霧海門浪息未生潮山分吳越峰巖敵水蓄蛟龍地

脉消前渡沙堤將泊岸榜人猶自費鳴橈

季夏寓居湖上作

初九日時大兒大孫在杭赴

傲屋湖邊上畫樓稍堪容膝且淹留捲簾恰對青山
色倚檻常臨碧水流五兩輕風時拂面半鈎新月又

當頭老夫逸興中宵發欲挈兒孫泛小舟

雨中
有懷越萬弟
以後在家作

我弟宅巷南我居在村北墟里半荒塗往來披荆棘
相見各欣然抗言吐胸臆齷齪鄙時流黃綺爲矜式
歌嘯每連宵盤飧屢對食豈意偶分手雷雨不絕息
泥濘阡陌間投足苦偏側悶來惟偃卧白晝同昏黑
舉動觸藩籠蓬心長茅塞徒羨林中鳥翻翻有羽翼

陸柱史鶴田招飲荷亭聊賦一章以誌勝賞

火雲連赤日觸熱不勝疲強卧北窗下無夢到皇羲
舉頭見青鳥踟躕集堦墀良朋附尺素招余飲習池
慨然遂命駕行道豈遲遲入門步三徑叢竹何紛披
朱華吐曲沼蟬響咽高枝庭樹尤聳秀蔦蘿蔓引絲
習習涼風起吹我綵與絺炎蒸從此散彷彿清秋時
座中有佳客鼓琴勝穎師高山與流水冷冷如在茲
琴罷復銜觴虞泉日影歆酒酣衆賓醉余亦舞傲傲
老去親朋日喪亡山丘華屋總堪傷我遊汗漫歸南
國君厭塵氛返北邙只痛無兒憐伯道難言有女慰

中郎悠悠泉路憑誰訴欲托巫咸問彼蒼

壽麻制臺古風一章

代友作

憶昔先皇方御宇黼黻臨軒親策士吾公條奏試
萬言黃榜首登公姓氏爾後榮寵日加隆皎皎冰心
益自矢某忝通籍附蘭盟亦曾司諫佩葱珩壯心所
激孤憤發抵觸權貴軀命輕公奉綸音特宣諭慙
慙歎語倍深情鼎湖龍去違玉殿空抱遺弓日繾綣
某雖仕宦幾經年終守衡門甘貧賤羨公元老多壯
猷節制雄藩膺重眷虎踞龍盤地勢雄伏鉞擁旄風

俗變大火西流暑氣涼淮南叢桂早含芳申甫爾時
逢嶽誕奔走士民喜欲狂或傲三祝歌難老或比九
如頌無疆遙望石城連帶水遡洞未得一葦航惟對
長庚瞻霄漢聊援北斗獻霞觴祝公棠蔕垂江左補
衮應思在帝旁豈徒早歲爲霖雨還調玉燭致平康

雙壽行

代壽陸方伯筠修先生

往年並海望洪川欲到蓬瀛訪列仙安期羨門在何
處盧生徐市亦茫然那知長庚聯寶婺早下塵寰號
比肩太翁誕生隨嶽降太母揆辰差後先總遇三秋

值初度白露零零黃菊吐佳節稱觴泛紫霞賓朋雜
還走如鷺坐中斑白語年少說翁往事更僕數弱齡
味鳳思卽壯桂杏聯芬陟天步王事馳驅歷苦辛甫
遊豫闕復晉秦蔽芾棠陰遺惠愛桃李蹊頭歷歲春
每攜孟光舉玉案紙閣蘆簾儼似賓從此長公遂鶴
起春躍龍門早筮仕次君豹變在須臾將歌革鹿秋
風裏割味分甘繞膝孫頭角崢嶸世無比人間歡會
勝瑤池何必崎嶇覓仙子某也聞言三嘆息請歌一
闕歌燕喜

贈無錫吳使君

代作

此九月同覲揚北上諸

延陵高節播清芬奕葉弓裘更出羣烏府家聲推柱
史花封茂績頌神君梁溪攜鶴鳴幽澗椒嶺調琴過
碧雲卓魯循良堪媲美龍章寵錫沐溫文
無錫吳使君飲覲翁於慧山賦詩寄謝余亦擬

散詩

作寶帶同心紫對與喚喚笑語聲

梁溪假道暫流連仙令相招辱彩箋官閣山腰鋪綺
席茶鐺石畔沸名泉君隨琴鶴思投轄我愛笙歌懶
下船日暮醉歸尋舊徑棠陰夾岸籠微煙

贈新婚

期在十月亦途中寄贈

圖畫朱陳未是真何如邂逅遇芳辰
幽風蟋蟀吟長夜庾嶺梅花報小春
天上王郎才匹敵閨中道韞句
清新流蘇寶帶同心繫低喚卿卿笑語親

早渡京口

遙望金臺路初辭鐵甕城
秋江微浪湧遠岫曉雲平
簫鼓魚龍遁旌旗鷗鷺驚
東瞻滄海近彷彿覩蓬瀛

六安開紀事

九月十三日

朝發清水潭行行日亭午前路問何鄉
六安咫尺覩

壘石築兩涯東箭衝波怒我舟逆水上
鳴鉦兼伐鼓篙工與長年無計施檣櫓
百夫合併力猶未脫危苦須臾繩竿斷
彩鷁飛急弩賓主共蒼黃舉動失常數
多方出險艱始得傍水滸從今破巨浪
凌風駕遠浦

維舟淮上

九月十五日

征途千里外旅食二旬餘桂發淮南老
鴻飛塞北初鄉心憑夢寐客况寄琴書
羞語彈長鋏悲歌只羨魚

夜泊黃河渡口景物慘淡舟中鼓吹大作兼以

持一螯把盞稍遣客况伏枕漫成

時菊月既望

河濱滿目動淒涼聽樂錚鏦遂激揚笛弄一聲懷子
野鼓搗三疊奏漁陽盤堆紫蟹嘗新味醅撥醇醪發
舊香相對故交娛未夕不愁羈旅客他鄉

黃河舊作

甲辰季春初二日路出桃源

宿海分流遠桃源曲岸迷不愁風險惡每患水淤泥
雲盡乾坤合波浮日月低燕臺遙騁望難辨路東西

其二

初三日

乘風初挂席頃刻湧奔流拍岸驚鷗鷺望洋失馬牛
漫言河伯喜只益旅人愁行近鍾吾境前途好繫舟

黃河道中再興

十七日

千里關山道路賒星河秋月恰乘槎東舫西舫聯千
舳野店村庄聚數家泊岸淒清聞鼓角凌波慘淡侶
魚蝦長途賴有良朋在促席談心解嘆嗟

黃河夜渡

十七日

夜行沙渚路層層舟子招招隔岸鷹桂楫棹移千里
月牙檣懸照九微燈止愁河伯離常道未許長年誇

最能願遣祠官沉璧馬重浮五老慶嘉徵

檣帆懸挂九燈故以

九微
點之

黃河村舍

十八日

庭無井竈宅無垣聚處沙堤略似村搜盡室中惟土
銜不煩暴客枉柴門

聞鴈

秋風蕭瑟旅魂驚忍聽長天塞鴈鳴邂逅相逢終異
路我行北轍爾南征

曉行

沉沉午夜夢難成又被晨雞屢唱聲宵柝罷來鐃鼓
作潺湲流水送行旌

舟中眺望

藉枕舟中午夢甜起看野色入疎簾沙洲極浦懸漁
網村舍斜陽颺酒帘星渚浮槎方問渡吳門練馬杏
難瞻應知吾弟登高後手把黃花逸興添

夜泊沙渚

時菊月二十日

浪築宣房障水東黃流泛溢古今同天荒地老隨波
盡兔走烏飛與岸窮徑乏蓬蒿棲仲蔚村無籬菊宅
陶公晚來景色淒涼甚千里家鄉蝶夢中

舟過陸家村

村去宿遷十里許時二十二日

盡日河干向水濱憑闌眺望且逡巡雲飛鴻鴈相呼

急晴浴鷓鴣晒翅頻村巷吹烟成小市沙堤策蹇渡

行人計程漸失狂瀾險穩泛安流莫問津無鷓鴣字

舟中漫興 二十三日是日午後進董家口

銀河自古懸天漢流入人間遂不仁每泛桃花凌萬

頃徒留瓠子閔千春乘槎縱得支機石入市誰尋賣

卜人我願波恬循故道不煩荷插更輸薪門前無杏

舟中奉和覲翁韻

黃流浩浩接長空雲氣飛揚起大風雪浪噴來如激

矢洪濤捲處似乘驄孤舟渺渺關山迥煙樹蒼蒼日

月濛揆席若能分燮理好持圭璧告成功

覲翁有懷雙鶴賦詩見示余亦漫咏一章

君家雙鶴有仙姿臨別徘徊去繫思京邸相依淹日

月征途作伴比交知白家鸚鵡題長句都尉鴛鴦賦

好辭况爾靈禽超羽族那教相憶不吟詩

京師攜歸留養梓里

途中有懷雙鶴

羨爾雙棲珠樹林獨留仙翮小庭陰行裝不及隨琴
伴飲咏能無戀主心雪白應愁空妙舞月明徒悵杳

清音臨風祗切支公好迢遞青田思不禁

七夕和觀翁原韻時觀翁客嘉定設飲會客余在家赴右公二姪小酌舟中

出示膠城酬唱詩余亦賡和二律在十月舟中作

冰水調來瓜菓浮阿咸小飲且相留人間令節當新

月天上佳期趁早秋可惜七襄勞帝子止容一夕會

牽牛良宵悵隔群仙會眄殺瑤京十二樓嘉定名膠城

其二

羞言與鶴共乘軒客倦歸來老萼門花萼阿連欣共

被竹林小阮遂開樽未隨南郡酬佳節止噫膠城惹

夢魂銀漢迢迢千古事騷人滿座又重論

道阻聊攝十月初六日

道出仲連遺矢地河流阻障似溝渠長風豈得凌仙

鷁涸轍真能困鮒魚傳說乘舟難問渡洮陽破浪亦

成虛徒思夏募留千古陸地行空任所如宗慤封洮陽侯

舟次土橋初七日

聊城信宿尚逡巡喜見衝波得問津孤鶩投林添暝

色長楊挂月引騷人寒塘戍鼓傷羈旅浦澈漁燈托

比隣忽聚舩艤多賈客媿隅蠻語且相親

武城阻風戲爲一律

昔賢爲政風流地今日舟航未易過
水激白波飛箭鏃城迷黃霧息絃歌
徑迴子羽途難辨莞爾宣尼悶亦多
願假牛刀試一割烹鮮縱飲舞僂僂

明日風定晨早揚帆

大塊相吹噫氣雄舟中愁坐怨天工
那知留滯催詩句一首新詩遂反風

至日同馮子子元馬子學海兩兄小飲

十一月初二日

管動葭灰候繡添弱線時窮愁傷客况
親故解離思秉燭消長夜焚香賦小詩
鄉關千里隔一枕即歸期

此詩至後俱長安作

帝京除夕

長安客裏歲崢嶸此夕尋歡賴友生
酒政三章由舊約茶歌七椀解餘醒
摻搗鼙鼓漁陽疊賣喚歎癡子夜聲
怕聽晨鷄催曉色徘徊銀燭不勝情

觀翁往真定郡與學

海兄守歲

元旦偶興

去年元會息衡門家慶欣欣笑語溫
頌賦椒花先弟

卷三
侄孟銜藍尾後兒孫曉隨羽客凌高閣晝逐良朋踏
遠村今日客中何所事焚香揮塵話南軒
時覲揚往
真定清察

自制臺
一案

元日有懷覲翁越萬弟
新符貼戶歲初正兀坐閒窗百感生日斷漁陽歌伐
木雲遮鷺水嘆分荆手披案牘勞王事策杖柴扉隔
帝京兩地相思遊子意屠蘇醉後倍關情

五日壽吳少司馬賡庵先生

延陵高節播芳塵重見箕裘起鳳麟椿並九如綿遠
算冀開五葉慶初辰平津綺閣幡懸勝綠野清樽味
薦辛桃李溪邊連玉樹好將絃管探陽春

初九日壽柯黃門岸初先生

陽回淑景漸爭妍喜見黃門祝大年令節適逢人日
後初辰相慶上元前謀身羞語營三窟抗疏誠能動
九天玉樹紛披春酒薦未容五竇擅幽燕

鞋燈十味

寸步紅鞋誰剪裁燈光輝映月徘徊梁家新作織織
樣却被秦宮偷得來

誰家游女踏陽春
羅韞凌空不染塵
人去玉樓遺鳥
在巧裁燈樣印花茵
火韞如月將臥
果衣待許
夜向天街紫陌回
弓鞋燃燭費人猜
齊宮粉黛知多
少疑是潘妃步步來
燕未卷正賣
幽燕
宓妃文履踐山隅
惹得陳王夢有無
火樹猶留織步
影還歸洛浦采明珠

和友人韻

金蓮綵剪鬪紅粧
影現燈前繞曲房
若使襄王隨步
纔悔教巫女會高堂
佳人踏月出羅幃
履舄遺來列九微
雙舞掌中同趙
后不粧半面學徐妃

莫愁十五嫁盧郎
絲履曾誇備彩章
此夕拋來燃蠟
炬鬱金堂下漫廻翔

清夜紅粧逐伴忙
花鈿委地隋明璫
繡鞋留得銀燈
裏步引天台賺阮郎

良宵三五樂徜徉
游女相逢意更狂
賈午燈前蓮步
出勾留韓壽欲偷香

延年女弟最妖嬌
薤露凋傷委翠翹
帷幙張燈窺步
影姍姍猶識舊紅綃

余自學道多年心若死灰形同槁木溫柔一鄉久
絕問津矣今歲客遊京邸節屆元宵醉中與學海
嗣典兩兄踏月街市因買鞋燈雙屨燃燭而回是
夕與學海兄深夜酬唱遂成十咏然詞涉綺靡有
乖大雅恐禮法之士實應且憎耶昔淵明閒情一
賦昭明猶指白璧微瑕况言情甚於斯乎俟他日
言旋梓里當與一二黃冠瞻禮星壇斗府猛省懺
悔可耳

壽邵中翰靜山

黍谷陽回歲正新懸弧喜見慶揆辰紫薇綽約爭遲
日瑞柳氤氳趁早春酒泛玉卮來閨苑露分金掌出
楓宸久依香案稱仙吏不羨蒙莊誌大椿

送大名守奕聞之任

舊典雲司讞獄清符分虎竹寵南行河流瓠子連燕
岫地控旄丘擁鶴城柳拂征途熊畫軾花迎帷帳鹿
隨旌彥先世澤綿延遠重振家聲屬俊英

壽馬侍御微庵

雷塘驛路傍雕鞍帝里相逢幾歲寒桂發淮南曾晤

對樽開薊北更盤桓相驚栢府來驄馬共羨蘭臺望
鉄冠春日懸弧歌進酒還教旅客罄交歡

長安仲春日同蕉庵上人湯子公牧王子嗣典
放亭八弟小飲醉鄉館中

初九日

二月客長安鶯花苦不早天氣弄柔和春光亦覺好
忽憶高陽侶尋幽寫懷抱王子幸班荆支公新締盟
更覓金蘭契莫逆惟湯生惠連家俊秀康樂我愧兄
行行入酒肆倚檻面南城城隅垂高柳含烟欲吐萌
柳下多鳴鏑走馬蹀躞輕相對縱談笑壺觴屢共傾
醉鄉洵可樂頽陽已西薄晚歸旅館中皓月窺簾幕
重攜諸友復飲苑中酒壚

十三日

旅邸多暇日兀坐動羈愁重尋舊酒伴復作醉鄉遊
極目恣眺望池館多清幽方塘漾春水臺榭倚層丘
桃李未破萼煙景已凝眸金勒嘶紫陌紅妝映畫樓
帝城佳麗色憑闌一望收舉盃逸興發主客互勸酬
爲問百年外誰添海屋籌彭殤皆電影貴賤等浮漚
北邙觀纍纍蔓草纏公侯歌呼且行樂營營非吾求
湯子公牧招飲書齋賦詩誌謝并叙交情始末

君住鴛湖我鷺水伯勞飛燕各彼此邂逅洛城始識
君夜舞梁園頗驚喜柱史停驄列綺筵花開棣萼亦
聯翩爾後燕吳雖異地時向長安共醉眠往歲南轅
還北轍京邸重逢話離別書空咄咄度嚴冬韶華又
近清明節我逢春日逸興多問柳尋花足蹙躡日來
攜伴入酒壚酒後狂呼覺耳熱君嫌相聚未罄歡更
築糟丘壘麩蘖味窮山海羅珍羞鸞刀細剝飛玉屑
促膝銜盃興不禁脫帽露頂枯顱茁人生歡會能幾
時玉山頽倒未云痴今日相逢不劇飲他日相離枉

寄思

余客棠谿適何侍御偕公牧與元放弟俱至大梁
余始得傾蓋歡飲樂甚

賀范中丞榮擢總制

代友人作友人先爲中丞尊公門下士

洪鑪鼓橐鑄鉛刀東閣從游接鳳毛浙汜攀轅留棨
戟榕城引領望旌旄銜恩持節還雙闕奉命回車歷
九臯濱海行看鯨浪息沙堤重築待蕭曹

賀東光新進士馬孔懷

代馬侍御徵庵作時尚候選詞林

佳氣葱蘢映棘津纓簪累代擁朱輪連城白璧終償

價合浦明珠早見珍
鰲禁承恩應計日
杏園選勝且
乘春家聲銅柱誰堪繼
待爾雲仍起鳳麟

端午賦贈何侍御

代友人作

天中佳節客神京
幸托桃蹊得向榮
栢府欣看衣豸
繡楓宸喜見賜臬
羹丹心映日爭榴火
諫草凝霜當
辟兵此日賓朋依
北海蒲觴滿引且徐傾

贈劉別駕之任長沙

劉係河南人由實錄出身

梁園當日聚群材
重見鄒枚輦下來
授簡賦詞推郢
曲揮毫聲價重燕臺
氣將雲夢供吞吐
路出瀟湘漫
溯洄名姓題輿真
國器鸞坡視草待君裁

題二仙圖

有叟在山蒼顏美好
攜伴偕行擔挑花草
吾知異人
長跪問道隱現丹青
守一自抱探彼玄珠
相顧傾倒

壽鹽官蕭孝廉乃翁

昆季一諱啓一諱瑞巳中
癸卯科尚有一弟

瀛洲瑤島接秦峰
嶽降高賢紫氣衝
叔度宏襟推雅
量荀君至德擅儒宗
傳經計日鳴三鳳
射策先看起
二龍南極騰輝奎
璧曜更榮紫誥祝華封

燕山壽何侍御

燕山吹律候回陽
申甫初生卜寢昌
驄馬行來簪白
筆委蛇退食泛霞觴
龍門幾致三千客
梓里難言八百桑
却羨瑤階披玉樹
他年袍笏看盈床
南光上人重脩淨土寺有詩落成因和原韻
身披緇衲卸儒冠
久住青山伴石壇
立雪三更誰訴
苦拈花一笑遂生歡
重瞻龍象琳宮起
早逐麩麩草
徑寬蓮社肯容盟
二老風流來往未衰殘

擬瀛臺策士

星火垂堯典
薰風動舜絃
梅黃初夏日
麥秀近炎天
綵仗離丹陛
鸞輿向紫烟
層臺連複道
飛閣繞長川
蘭氣香含馥
榴花色吐妍
鷺鷥飛漠漠
蓮展葉田田
金鰲波湧躍
玉螭渚泃旋
聖主超前哲
羣公邁昔賢
臨軒親策士
授簡擬登仙
剖璞荆山裏
探珠赤水邊
宮商聲協律
喜起賡成篇
樂過瑤池上
歡同閩苑巔
鴛班交履舄
鳥羽騎擁旌
旃宴鎬符姬
代橫汾異漢年
芳林還輦輅
暝色動虞淵
千載風雲合
謳歌徧八埏

自昔擬文上親選
庶常卽事賦咏代

自昔崇文教由來世運昌虞廷登俊乂姬室美思皇
禮樂昇平起謳歌曆數長騶虞來苑圃儀鳳集高岡
嗣後多賢主誰能邁哲王嘉隆啓泰運 聖德際重
光恭默通三極馳神宥八荒臨軒垂藻冕選士簡珪
璋駑蹇隨神駿菲材溷棟梁承恩趨殿陛通籍佩葱
珩侍立駕班裏親依黼座旁葦門曾偃息雲路忽騰
驤藜閣愧樗忝鸞坡赧鴈行紆紳常踧踖端笏起徬
徨覆載難酬報忠貞托拜颺普天思擊壤率土樂垂
裳

擬 上躬祀北郊

炎帝初司令祝融始膺權含桃堪採禳木堇競芳妍
吹律陰陽易懸衡節序遷 聖心崇美報坤道祀加
虔警蹕臨郊垆乘輿歷市廛千官羅劍珮萬騎擁旌
旃鬱鬱陳三爵房烝列四筵爐烟飄御路仙樂奏鈞
天禮數隆方澤儀文協上乾神光垂應感符瑞示昭
宣精白通幽溟柔懷徧嶽川謳歌騰率土忭舞徹窮
邊人慶無疆福歲書大有年百靈思効順千載息烽

煙

孟秋朔日舟泊楊柳青

去天津四十里 六月二十二日歸途所作

為問前村路青青柳遶鄉梧桐今已落柳色漫誇張

秋蟲

北地有蟲狀似南方絡緯兩翼差短俗名蛄蛄兒拾之草間以竹筐貯之漫成一律

蛄蛄托野田拾取意相憐永夜喧孤枕凌晨聒四筵
長鳴同蟋蟀高唱匹玄蟬迢遞關山路秋思為爾牽

七夕

天上雙星節羈棲感客途衰年羞乞巧鈍質久添愚
白首終衡泌黃冠謝帝都良宵如控鶴緱嶺一相呼

玩月

鄉心誰托寄倩爾月嬋娟雲樹千山隔蟾光兩地懸
兒曹應共照旅客倍情牽擬作南飛鵲故林尚未還
鄰舟悵望友人

仙舟聯咫尺悵望杳難親苦海迷登岸醉鄉絕問津
臨流惟對影邀月暫依人梓里重相聚先開箸下春

宿遷懷古

宿遷舊名相州乃項王故里

此地英雄曾劖跡我來忽發古今愁成臯樹羽心猶
壯垓下悲歌淚不收秦地寢陵堆宿草漢家宮闕變
荒丘故鄉留得河流在飛捲洪濤泛海鷗

贈同舟胡聿懷

諱昭祖新安人住雲間

五噫歌罷向行役六月炎蒸遂挂席與君邂逅托同舟
篝燈夜照光射隙爾時泛泛等浮萍偶聚江河連
咫尺九天飄落散珠璣始識英流爲詞伯余慚北海
君正平忘年真欲盟金石傾蓋相逢意氣深何異班
荆話夙昔貽我新詩寫素扇出入懷袖不忍釋今君
分袂向茸城我返鸚湖獨岸憤遙瞻三泖接九峰幸
寄雙魚慰晨夕

輓費孟韜

代癸丑孟冬歸家後作

憶余宦遊歷燕晉離別親朋歲屢閨里中樂善問何
人傳語費君日精進余聞此語心惛惛關河阻絕寤
寐勞歸始晤君蓮社裏古貌蒼顏鬚二毛年雖耳順
未衰老福田種植時雜草有女中郎得慰情莫嘆無
兒傷伯道更詢伉儷近存亡捐軀殉節歸蒼昊且禮
法王沾雨花兼尋羽客會龍沙淋宮貝闕親指畫黃
冠緇衲合一家吳興往歲荒南畝民依吾邑餬其口
高賢出粟發倉箱余亦罄瓶助升斗賴君設法異嗟
來蒙袂輯屨皆飯糗適來矢志在浮屠經營竭力苦

將茶誠心所感丞徒集引繩削墨役公輸七級峻嶒
功未半遽遊蓬島登彼岸他年鴈塔落垂成錫飛鶴
舞來天漢綠楊芳草舊珠樓叅差宇棟仍湖畔三槐
手植尚依然庭前玉樹益璀璨

壽陳邑尊太翁八袞

代

高高崩劣俯西秦鍾靈寧獨生甫申太丘道廣傳漢
代雲仍接武還振振遂有耆英稟異質蒼顏直與靈
椿匹飽歷風霜閱歲年虬枝偃蓋益益挺出喜見搏風
起鳳毛翱翔天路奮六翮使君筮仕宰山城斑衣隨

侍賦南征愛我衆父樂父父壺漿竹馬歡相迎鷺邑
停驂還渭北白雲瞻望情何極莫開初筵月孟陬幸
值桑弧懸戶闕遙遙西望涇水滄高堂燕喜勝瑤池
庭前玉樹如林立共獻流霞酒一卮更膺紫誥榮國
老不羨商山僅採芝

衆父父父
見莊子

花燭詩贈張甥孫

舅甥綿歷垂三代世德家風猶似儂伏櫪自傷同老
驥飛騰幸爾近乘龍鷄鳴警旦加勤勵羊角搏風致
顯庸銀燭樹前頻進酒更期學業富三冬

壽方醫士凌蒼

玉律陽回歲早春，懸弧喜見慶揆辰。
桐江累世垂簪綬，鷺邑移居接鳳麟。
池水飲來醫及國，神樓施散活斯民。
種成陰德迓麻社，玉樹婆娑蔭大椿。

仲冬月杪馬子學海以新酒芒鞋見惠詩以謝

之

屏跡郊居晝掩關，百朋寵錫惠多般。
鎗添楫拙消殘臘，杯泛醇醪駐好顏。
獨坐藜床虛白日，更遺芒履踏青山。
開函覩物思君意，未報瓊瑤愧往還。

蔣子宜王病愈因賦一律寄侯

河梁一別又經年，消息傳君伏枕眠。
舊似子春傷斃躡，今同叔寶患沉綿。
文成七發知無效，藥採三芝猶未痊。
賴有蒼天時默佑，支離病骨遂蹠躔。

季冬初六日同屠子大如舍弟越萬攜樽挈榼

棹訪陶子晉逸喬梓共飲於逸老亭竟日而
散

路轉鸚湖曲，水津煙浮村巷訪幽人。
濠梁勝地棲莊叟，谷口深林憇子真。
手挈壺觴穿石徑，心盟鷗鷺狎

河濱歸舟棹入疎楊柳月色微茫吐半輪

菊圃畦將種邵平瓜茶聲沸鼎煙光起竹影橫窗日

溪流夾岸帶蘆花知是衡門隱者家籬落尚留元亮

色斜從此草堂迴俗客恐驚鶩鴨亦喧嘩

未盡

觀今同外寶湯此賦文如子詩賦

可樂一湖又

蘇子注上

卷之四 還家雜咏

當湖顧人龍雲馭氏著

男 涵硯耘編

令文公望

孫 賓蕃楚材 較

甲寅年

元旦唱和詩

雲馭起韻

數年為客滯他鄉霜鬢歸來卧草堂重整蒲團尋道

侶初生蕙莢遇春王羞拈歲盞常居殿笑帶銀幡偶

學狂子弟趨庭方獻壽曾孫膝下更回翔
越萬弟和韻

十載輪蹄返舊鄉相簪綵勝笑同堂文壇再整推
詩聖酒伴重逢號釀王喜見曾孫解語笑渾忘老
大轉猖狂幸余強健將拋杖共探梅花步遠翔

雲用前韻酬弟

仲氏幽棲老一鄉衡門不羨鬱金堂身依谷口心忘
世情寄漆園慕讓王除夜連床伸契闊元辰接席任
疎狂池生春草催詩句如意提攜舞欲翔

對越再賡和

相如遊倦息家鄉粉荔蒿盤共一堂人卧煙霞同
六逸世逢熙皞似三王分甘割味諸孫樂徵令傳
孟小阮狂更願尚平婚嫁畢相期碧落恣翱翔

越起韻

幾年抱病卧河濱又見疎楊漏早春歲蓋逡巡分
老幼藥囊商確定君臣曆占黃道開三泰盤出青
容絲薦五辛家傍松山連咫尺焚香寶篆謁高真和

柴門雲和

柴門依舊澗之濱喜見家園歲復春懶向風塵常作
客心安草莽亦稱臣椒添醇醴香生甯菜入盤餐味
雜辛棣萼花前無別事白頭酬唱樂天真泰盤出青
幾越用前韻再咏又見燕詩前早春效益盤致公
郊居卜築近溪濱處處新符換舊春菊徑有隣爲
地主鴛行無分作王臣家園此日稱歡慶客幕當
年倍苦辛借箸共籌娛老計唯將塵尾覓玄真

雲再和息寒暄併燕蒿盤共一堂人個盤賣同

棲遲跡寄鷺湖濱庭植梅花已報春難近玉皇誇案

吏庶幾滄海逐波臣桑榆景暮心猶壯薑桂年深老
更辛元日一盃相勸勉從今努力學全真

初六雪融明日大雪復作

殘雪消融夜有聲朝來景物倍堪驚村郊錯落環瓊
宇城郭叅差化玉京楚地徵歌推郢客梁園授簡進
枚生我披鶴氅思輕舉萬里遙尋衛叔卿

水越萬弟和

村居夜靜寂無聲書幌光搖睡眼驚琪樹花披迷
玉圃瓊林雲擁接瑤京千巖驟見青山老兩鬢加

添白髮生誰念袁安高卧冷閉門猶自傲公卿

甘雲再咏

水潑衾裯添夜冷庭前玉屑早霏微舞來柳絮飄飄
起團作梅花欸欸飛姑射冰肌寒易透何郎粉面貌
加肥衰年廢業拋書帙不假銀光映敝幃

越和

彤雲密雪洒郊畿慘淡林巒翠影微龍戰玉鱗從
更樹落蝶翻粉翼傷簷飛參差庾嶺水魂瘦高下瓊
田地脈肥虛室蒲團徹夜白不須燃燭照書幃

和朱子介維來韻

介維杜門謝客近以元旦詩投之有詩見贈依韻酬答

三徑荒蕪予舊鄉故交連巷隔垣墻龍門峻絕懸千
尺鴈帛傳來得數行空仰高風難接席追尋往事憶
銜觴知君岸幘幽窗裏應笑征人兩鬢蒼

徜徉槃澗絕紅塵不愧箕山穎水濱芸閣琴書娛未
日草堂猿鶴戀長春漂流木偶悲遊子天漢冥鴻笑
弋人若許班荆重話舊風流二老托終身

再和介維

仍用元旦韻

高人志托白雲鄉不識金門有玉堂芝採商巖尋綺

夏書從晉代法鍾王戲投巴里羞言拙賺得珠璣喜
欲狂余困樊籠嬰世網羨君六翮任翱翔介維善書法

掩關辭客澗之濱草木榮枯別有春星動少微今處
士陵移深谷舊逋臣也嘗栢酒椒為頌不廢蒿盤菜
用辛伏臘歲時隨俗尚心遊物外是棲真

沈子叔輪以詩見贈漫成二律以和之

鳥驚春睡夢初餘喜有良朋問草廬乍接高談消鄙
吝徐親雅度探玄虛十年為客空彈鋏一夕逢君勝
讀書倘愛鶯花遲日麗頻移桂楫向村居

身棲城市性煙霞肯負春郊樹有華遂泛扁舟窮浦

淑相攜連袂訪山家是日偕至君誇法祖磚成鏡我

羨安期棗似瓜若跳壺中觀世界恒河沙數盡丹砂

春郊即事

季春初六日叔輪招飲城中明日步歸適遇叔輪

姚卷士於城闈下遂連袂出郊先至香露靜室復

來松塵道院叔輪更命使挈盒樽共集雲藩醉

飲緋桃花下因賦小詩以貽之

春郊麗景欲銷魂于野同人遠市喧偶憇花宮披草

徑終尋閨苑問桃源紅霞爛熳圍朱閣翠竹氤氳照
綠樽薄暮君歸應剪燭定歌白雪度黃昏

春暮花殘聊以一盃餞送

春光欲盡花容老祖餞慙慙特奉觴春去無勞催羯
鼓花殘何用舞山香鶯啼燕語留難住蝶戲蜂狂別
轉忙已約東君期隔歲尚加鈴索護羣芳

立夏後二日飲於牡丹花下時牡丹亦零落矣
獨坐閒窗裏初逢夏日長飛箋邀酒伴把盞對花王
繡帳留殘錦雲霓懶靚妝繁華終易謝誰是久芬芳

牡丹將謝再飲花前

西隣三徑近荒蕪尚有姚黃未點酥國色堪邀佳客
至家貧猶媿舊醅無陰濃綠樹張帷幕香霧紅妝侑
坐隅此日風光不盡醉教人無計遣桑榆

賀人七十兼舉子二首

雲開天漢耀長庚又見充閭瑞靄生銅狄摩娑誇雙
鑠石麟頭角喜崢嶸旌幢碧落神仙會湯餅華堂賀
客盈此日喬松連玉樹他年畫錦樂耆英

海上三山駕六鰲德門輝映接神臯初從絳縣瞻胎

背更向蓬池浴鳳毛椿植高岡連碧漢珠生合浦湧
洪濤九齡錫後徵蘭兆黃髮邀榮對錦袍

壽王子寅旭五十

往余客清溪乘春越阡陌行行五六里烏衣連巷宅
入門問主人駕言已他適步屨向南園脩竹森如戟
青蓋何童童蒼然一古栢愛此虬龍姿摩娑不忍釋
嗣後君往還蘭契仰三益賤子逐風塵十年困行役
空憶素心人無暇數晨夕去歲旋舊鄉知非接蘧伯
攝提指孟陬覽揆逢半百拜舞共稱觴四座滿佳客

私心加禱頌與栢同標格夙負棟梁材詎容終棄擲
老榦排風雲下長雛鳳翮古栢歷歲年藉君托磐石
憶昔歲次庚寅余館於清溪若臣沈先生宅上兀
坐幽窗書空度日至鶯花春暖景色爭妍興不暇
懶遂偕及門諸子散步閒遊行不數里輒見長林
蔽日脩竹叅雲則王氏之第宅在焉叩門剝啄其
昆季俱往邑中矣步入南園見其古栢矯異虬枝
糾結可布几筵約坐十餘客舊傳王氏三槐今將
以古栢著稱耶嗣後得交王子寅旭雖踪跡落落

然每見其詩文輒加賞嘆且悲王子數奇不勝扼腕又恨余十年來浪遊南北心慕王子未嘗接席晤言也去歲在長安晤馬子又昭於旅邸徧徵長安巨公名作遠爲王子壽更索句及余余許又昭久矣歸家碌碌愧未捉筆因坐雨窗無事追憶昔遊更借君家古栢聊爲九如之頌倘值鴻羽之便寄語又昭無慚息壤矣至應命稽遲辭近鄙俗更向王子請荆耳

沈子叔輪見惠藕種栽值庭內近喜花藥初萌

雨窗漫興

出郊屏塵事幽居思種蓮吾友貽雪藕潔白比玉焉覆土植庭內乘時不後先抱甕常出汲搨搨灌清泉種來兩匝月蓮葉早田田花開應計日玩此樂餘年茗飲加歡賞不負爾芳妍爾性出淤泥我意空世緣兩情深結契晤對已忘筌無勞採蓮女歌曲鬧溪前

新著黃冠

誤逐風塵不計年歸尋羽客覓真傳琴心未審成三疊且戴黃冠學草玄

且初製道服

北山猿鶴漫移文
早返林泉卧白雲
身服荷衣難近俗
遠遊蓬島躡清芬

北郊雨霽造訪陸子珊瑞草廬留飲竟日

積雨經旬日晴雲朝卷舒興來往南陌荒徑歷丘墟
搵衣越榛莽遂造幽人廬門前繞榆柳花藥紛庭除
深林多啼鳥音籟何疾徐地僻塵氛遠彷彿羲皇初
緇衣滿四座說法喻三車朋儕亦道契素通貝葉書
余雖嬰世網雅性慕玄虛莫逆相視笑誰言禮法疎
箬下開春釀園中摘佳蔬咄嗟羅豐膳壺觴傾復餘
醉酣客傲舞主人尚牽裾良會成高宴其樂洵只且
暮歸臨略徇峻板望躊躇

夏日同沈子叔輪馮子子元信宿仍庄日夕聞

鶯喜而有作

仲夏廿八日偕往初二乃還

夏木陰陰集衆禽最憐黃鳥哢清吟
輕喉睨睨調簧舌小語綿蠻雜楚音
乳燕鳴鳩飛接翼雙柑斗酒話知心
香閨莫喚遼西夢恐惹佳人惱不禁

其二

綠陰千頃繞山莊愛爾流鶯展翅忙常傷祇園叅古
栢懶依御苑嘯長楊天花並舞輕於燕仙梵和音巧
似簧共道蛙鳴同鼓吹何如清籟叶宮商

七夕沈客子招飲同席者雲門梵林屠子閻間

陸子平仲分拈一先韻是夕雷雨忽作

同堂支許盡高賢我愧家聲繼彥先每感桑榆隨暮
景猶嘗瓜菓列賓筵天孫製錦難分巧牛宿躬耕漸
作緣遙望緱山追往事誰能控鶴挾飛仙

其二

結構爲橋銀漢邊靈官役鵲競爭先男耕婦織逢今
夕地久天長恨隔年可惜風流當令節又逢雷雨妬
良緣茫茫幽會疑成案坐對生公始了然

陸姓六十 七夕初度

五茸二俊舊家聲鷺水箕裘起後英逆旅玄言通妙
解髻年文賦擅才名星傳牛女聯銀漢嶽降甫申下
玉京更羨謝庭多寶樹翱翔雲路佩葱珩

閒窗遣興

邇來何計作生涯猶是當年翰墨家細閱殘編窮亥

豕閒翻古榻動龍蛇對兒尚愧身披絮訪道終慚頂
聚花徒憶風塵鞍馬事茅簷時向野人誇

壽朱宛山六袞

披鱗折檻漢名賢重見雲仍繼祖先久坐鱸堂多問
字近依蓮社偶迓禪水蟾映月稱佳節玉樹臨風祝
大年帶索披裘甘遁世桃椎此日卽神仙

仲秋留宿陸氏園亭夏卿因出嶽翁魏子存先
生十味乃用杜工部何氏山林韻夏卿強余賡
和歸舍後遂爾拈韻但前有子美後有子存恐

壽陵學步貽笑邯鄲矣慚愧慚愧

欲尋金谷勝來渡小溪橋綠樹臨丹壑朱樓映碧霄
鳴蟬秋未蛻放鶴暮還招漸覺離塵境桃源豈路遙
西窗閒拄頰山氣曉來清振振池飛鷺交交谷轉鶯
青精炊作飯蓴菜雜爲羹如入蓬瀛裏飛仙挾伴行
登臨猶未憊足力尚堪支攀陟緣危磴徘徊俯曲池
尋梅和語笑拜石締交知隔岸芙蓉好紅粧宿霧披
三徑幽香遠秋風桂吐花魚游相戲蒸鶴步欲窺蛇
北海清樽列東籬逸興賒黃花如爛熳重擬到君家

剪除藜藿盡畫棟倚雲開鷓鴣棲疎柳虬龍卧老梅
潘輿驄馬後穎谷繡衣來池沼娛親志兼鋪稱意苔
暫爾東山卧爲園出醴泉鶴鴿連羽翻棣萼並纏綿
折柬常招飲扶筇免挂錢白頭幽興在步履過前川
野芳隨處發一一送餘香岸幘清風好披襟爽氣涼
林深翡翠集徑僻鼠鼯藏薄暮雲歸岫森然萬木蒼
心期遊汗漫且醉習家池野外宜簞笠樽前卸接羅
花容憐碧玉楓葉比紅兒少長咸相集衰年幸數隨
倚檻當青嶂開簾繞白雲焚香摹古碣授簡論玄文
鴻燕春秋別蜚蟬晝夜分園亭多雅興從此謝糾紛
久卧東山裏蒼生可若何鳴珂幽意少攬轡壯心多
抗疏傳丰采賡颺矢咏歌常留松菊在野老每相過
春老九日同屠子大如舍弟越萬鷺湖登眺時值微

雨舟中拈韻

天工着意弄詼諧翻案龍山事倍佳舊把狂風吹絮
帽今飛小雨濕芒鞋數層塔影堆螺髻九曲湖波折
股釵隱現琳宮煙樹裏一聲鐘磬逗陰霾

九日和越弟原韻

是日造訪陶子晉逸

相攜良友泛舟航風颭芙蓉漾水光乍遠塵氛迴浦
漱更尋幽勝訪山莊遙瞻海嶠連三島極目天涯盡
八荒薄暮隣家蓮共對白頭自愧伴紅粧九日東隣
尚開紅蓮
一朵清夜賞玩
大如庭中亦然

和王白民看菊原韻二首

春深初藝菊籬下剪蒿藜晚節凌霜勁嬌姿浥露低
幽香三徑滿彩色五雲迷佳客乘秋興徐行渡野谿
搖落悲秋日方知菊有花高情依隱士逸興傲王家
伴月清輝迥臨風翠影斜更闌猶坐對戍鼓雜鳴笳

同家母舅泛菊和許子鳴一原韻

西風初起逗微寒泛菊東籬恣意看日暮筵開慚藿
食夜深茗飲對蒲團紅妝搖曳垂花鈿翠影扶疎佩
鷓冠賢主風流偕舅氏譙樓更盡尚憑闌

屠子大如欲以菊名點入詩中戲咏二律

評花姓氏屬騷人配爾名姬各寫真褒姒笑顏終愛
繒西施柔態尚含顰醉酣妃子嬌無力寒色嫦娥近
可親若向法王叅寶相不煩玉甲動風塵

邇來幽興寄霜花誰伴衰年慰咄嗟紫帶龍鱗非易

犯金含雀舌未容賒公袍着錦應無分碧玉爲裘亦
大奢若問老夫稱夙契僧衣黃衲托憐家

菊影十絕

誰將巧筆畫真真徒倚雲屏貌可親懶向黃堂依貴
客不辭深夜伴幽人

夜雨淋鈴別太真芳魂何事得相親步搖金雀銀缸
下尚賴臨邛一道人

歌傳傾國實非真秉燭更闌坐對親莫笑柴桑貧處
士姍姍來降李夫人

每恨丹青錯寫真遂教佳麗遠和親燈前帷幔歸環
珮羞見昭陽殿裏人

我愛名花玉貌真孤燈挑盡更堪親只嫌脈脈盈盈
意笑語低呼不應人

花比名姝可是真亭亭倩影倍加親洛川未許凌波
去恐費陳思賦麗人

三徑幽香色態真相憐形影覺情親分明邂逅巫山
女應作高唐夢裏人

花容伴影似傳真姊姊相依情實親倘入深宮休見

妬何妨韓號並夫人
六宮粉黛乏天真
林下風姿月下親
清夜遊來新製曲
好煩江令和才人
陶令荆薪看愈真
娉婷相就欲相親
阿難未必心如鉄
只恐登伽咒攝人

陶詩有荆薪代明燭句

僕老矣乃復爲此艷詞綺語耶然不如是恐不能摹寫幽芳倩影也故結以阿難登伽聊欲此中參悟耳

壽吳長源八十

延陵季子舊名家
號比鄴侯豈是誇
絳雪丹成食道味
青烏術妙寄生涯
蓬池清淺添籌算
銅狄摩娑閱歲華
若訪山居尋渡口
桃源深處雜桑麻

其二 代友人作

九峰岩畔寄衡廬
門外時停長者車
囊挾青烏傳異術
溪尋黃石授奇書
草堂猿鶴偕棲息
石戶烟霞對卷舒
莫羨遐齡稱絳老
翁週花甲二旬餘

題美人畫扇

桃葉渡江仍用楫
班姬握扇未悲秋
中流攜得湘蘭

去莫惹湘君一段愁

又題

有女共采蘭問女何所愛搖扇理歸橈與歡紉作佩
偶興

晨興盥漱便焚香拜舞瑤階禮玉皇次謁諸真無所
祝惟祈垂老興顛狂

酬答陸子亦樵

與君少長同閭里未曾挾刺聯孔李難言傾蓋一相
逢安得定交交如水數年踪跡各飄蓬余遊薊北君

粵東伯勞飛燕殊彼此萬里豈容一札通去秋余得
歸衡宇喜君邇亦旋故土王子嘖嘖數稱君幾次登
堂思接武寧知咫尺等參商徒勞珠玉惠琳琅雖君
譽言愧過實頓驚蓬華爛生光言言可比青玉案我
將貯之紫羅囊從此與君頻來往相期槃澗樂徜徉

老翁放言

滄江一老翁短髮鬢蓬鬆屏跡雲山裏鹿豕隨孤踪
暫遊人間世童叟偶相逢問翁幾甲子絳老將無同
翁言稟二氣歷劫萬萬古太極初分割吾卽履下土

盤古尚兒童義軒何足數標枝同野鹿風物未皆窳
淳俗漸澆漓民人罹愁苦制作紛紛起彌縫亦何補
睢睢復于于飾智驚愚魯濁世難與居棹頭吾弗顧
離羣每塊處逍遙步元圃手植一大椿未堪施斤斧
掌上豢鵬雛摩天學翔舞蓬萊幾淺深乾坤一仰俯
汗漫適相期誰能守環堵西遊憇瑤池笑領白雲詞
轉入扶桑渚東皇共娛嬉中途遇夸父忽作鄧林枝
邂逅遭龍伯六鰲吞鈎絲浪遊過白日疎懶世無匹
坎止與流行隨遇無固必邇來萬慮休垂老營菟裘
乾端承八柱地軸橫四周溟海爲堂坳崧嶽列庭幽
三徑雲霞繞雙丸日月收稍稍堪容膝一一豁我愁
陋彼維摩室香飯搏床簣笑爾蒙莊言婦姑勃谿窄
不築數仞墻胥靡休力役不造十二樓輸班免削墨
曠然戶牖中托情寫胸臆江湖汲硯田廣野布長箋
華陽多黑水劫灰膠纏綿梯月拔兔穎束縛加精專
首陽斫孤竹管城聚族焉吮毫發要道立論極探討
不解世俗書雲篆難草草粗述鴻濛意荃蹄終脫掃
幸謝世上人我非絳縣老食德飲元和馬齒齊蒼昊

寄言學道者抱璞以爲寶凋琢喪天真安得長壽考
不執壽馮兄嗣榮六十

郎官聲著漢名臣重振箕裘鷺水濱五柳高風垂白
髮三槐舊澤起朱輪佇看麟鳳遊雲路更喜蘭蓀登
席珍南極夜占多瑞氣將膺紫誥出楓宸
羞歌彈鋏嘆無魚避世墻東樂有餘情寄陶家三徑
菊興酣鄴架五車書珠生合浦淵爲潤玉價連城貨
可居着膝含飴皆國寶高堂歡慶勝華胥

送湯子公牧北上二首

乙卯年

滿眼干戈猶震隣問君彈鋏向何人草堂猿鶴留丹
壑驛路風烟向紫宸易水樽前誇壯士平津閣上列
佳賓應思寂寞滄江叟時溷漁樵伴隱淪
蘭盟結契幾星霜客邸銜盃輒放狂醉舞梁園初接
席悲歌燕市每連床吟風嘯月真同調抹馬脂車又
異鄉願爾腰纏還控鶴早歸槃澗樂徜徉

陸孝廉狂生先輩七十初度

代

尚平早計畢諸婚損益爰辭細討論晚歲棲遲同魯
望少年聲價接平原寒侵松柏霜枝勁春值鶯花淑

景繁酒泛霞觴雲氣繞丹山雛鳳欲騰騫

尚平其二

夙昔登壇賴有君天葩吐處掃塵氛燕南壁壘誰張

幟江左風流獨冠軍此日善刀辭欵卻幾年韞玉謝

續紛春光一曲欣初度鱗角崢嶸早出羣

曲有春光好

書齋漫興

數年飄泊任萍踪歸息衡門事事慵仍向殘編為老

蠹漫言柱下比猶龍香焚寶篆消塵慮湯瀉銀瓶浣

俗容却怪春光排入戶芳蘭一簇引遊蜂

嘲耳聾

耳聾殊不惡天籟覺紛紛蟬噪無時歇松風盡日聞

他人雖語語我獨自云云雷電攜兒出窺堂尚入群

方雷攜兒出荀子

壽秦子與太母八十初度

花催羯鼓競芳菲寶婺瑤天正吐輝昔佐琴堂隨玉

案今還梓里舞斑衣板輿侍從稱家慶象服邀榮出

禁闈從此鳳毛豐六翮翱翔萬里入雲飛

季夏同劉厚庵往吳興一宿武原即返不及登

李臨有愧名勝多矣舟中無事賦以誌愧
景遇陽春老亦狂往遊茗雪樂徜徉道經晉縣遲移
棹夜雨臨溪蚤引檣問水無由窮菴畫尋山尚未陟
吳羗只貪村路桃花發爛熳蒸霞映綠楊

壽劉內姪初炳五十

余昔登龍忝嬌客君騎竹馬戲瑤席神駿爲駒驚汗
血鳳雛試羽豐毳翮嗟余蹉跎向遲暮君亦行年歷
半百晤對欣然共笑言縱談往事如疇昔君家乃祖
列棘卿事關宮府瀝忠誠營營青蠅玷白璧九關虎
豹競崢嶸君始弱齡伏關下上書流涕特陳情滄桑
雖易市朝變從此文孫擅令名今歲鶯花季春月門
懸弧矢逢佳節風光不讓永和時曲水流觴少長列
砌臨玉樹正娟娟蘭蓀毓秀互爭妍鹿車共挽欣肩
案鳳誥封綸慰大年始悟蓬瀛在人世應笑秦皇浪
學仙

賀劉內姪向言入泮

當年公幹著家聲又見雲仍擅令名筆陣針鋒除綺
麗詞源噴薄瀉瓊瑛天池羊角飛鵬翮泮水鶡音動

鹿鳴從此趨庭多樂事更教綵服佩葱珩

當平孟夏初十日沈子叔輪季輪攜孔校書雨中泛

賈舟卽事

微茫小雨暗長川倚棹園林卽繫船好鳥聲啼芳草
路綠楊弄影畫樓邊緩歌白紵消清晝促席紅粧伴
少年酒政三章申約法醉來鷓鴣舞踰躑

戲味孔校書

淖約仙妹不染塵雪膚玉貌笑生春蝦蟆陵下秋娘
妬玳瑁筵前小妹嗔油壁香車蘇小小風花煙柳趙

真真拂衣羅袖加憐愛不信檀郎鉄石人

其妹席上
爭口妹字

文
灤

孟夏旣望攜大兒兩孫遊乍城觀山海

老驥長歌壯志灰尋山並海且徘徊縱橫亂石當峰

起瀆瀑洪濤動地來鷗泛鷺飛沙渚遠紅粧翠袖野

塘迴從遊攜得兒孫在笑語登臨懷抱開

土人齋頭無事薙草蒔花率爾遣興

春深小院長蒿蓬手把長鑿薙幾叢早植甘蕉聽夜

雨次栽籬菊待秋風西施入夢花披拂諸葛當窗菜

鬱葱抱甕汲泉兼貯水錦鱗掉尾鬪妖紅

春來寄題文水上人西音詩集

上人解苦空塵紛遂遐棄幽棲托村塢足跡違市肆
已會無生忍早入三摩地智慧兼辨才諸法了無二
遊戲出神通弄筆寄文字譬如雖飲食禪味爲獨嗜
月夕與花晨高賢欣把臂風雨及晦明嘯歌矢寤寐
景物起流連登眺放情志軟語發天葩清言吐逸致
亭亭綠水藻不染濁淤瀦皎皎長空月清光自流媚
煙雲集毫端珠玉動盈筭願言結蓮盟諦聽叅妙義
何日得遡洞庶慰飢渴意

蟋蟀二首

爾蛭名蟋蟀族類長秋初鹵地依床戶唐風伴役車
寄形潛瓦礫振響徹堦除宋玉淒涼意聞聲動累歎
生當秋令肅勇氣貫虹霓鼓翅張髯鬣鳴聲效鼓鼙
穴中爭兩鼠籠內鬪連鷄一旦嚴霜隕那能泣露啼
賀錢蒼嶼入泮居首

年少英英善屬文天葩吐處掃塵氛詞壇樹羽誰爭
長國士蜚聲遂冠軍凡鳥漫題輕後輩阿龍驚見羨

超羣木天鰲禁應翔步在泮鴉音暫許聞

中秋日重遊海上

遊記另錄

初夏登臨未久留招尋侶伴復重遊仙宮寂寞苔生
徑蕭寺芬芳桂吐幽潮汐洪濤分晝夜榮枯野草異
春秋三山此去無多路不畏前途弱水流

時天妃宮進香絕跡惟苔蘚盈堦而已遊湯山瑞
祥寺叢桂吐芳幽香暗襲令人留連不忍去

由郊外逸隱庵舟至陳山已登半嶺遇雨而還
鼓楫乘流望北岡小橋村路轉方塘岩前虎踞千峰

出湫下龍蟠萬木蒼石徑露垂山果細溪田風引稻
花香無端忽被催詩句半嶺歸來履底忙

觀潮

東風飄忽壯濤聲動地轟雷起震驚安得英雄同並
海挾持強弩射潮平

閒步沙灘擷取石子

水濱閒步共娛嬉拾取沙間怪石奇兩袖迎風吹不
動路人爭笑老人痴
老人笑語我非癡樂道安貧乃在茲鏘玉分無娛白

首聚沙猶得學童兒

白樂天有詩云自從爲騃童直至作衰翁所好隨
年異爲忙終日同弄沙成佛塔鏘玉謁王宮彼此
皆兒戲須臾卽色空聊用以點入

往觀捕魚

東坡曾有魚蠻子詩

海上魚蠻子郊居近斥鹵聚族長子孫不商亦不賈
借問爾何業生計操網罟曉起踏平沙鼠留列遠浦
頃刻潮始生踞石候水滸亭午湧怒濤訇磕震鼙鼓
漁子遂乘潮不假檣與櫓身輕真一葉與波隨掀舞
須臾復遡洄盈筐約可數擔此鬻城市魚蝦賤如上
嗟爾王公家娛賓設簋簠味窮山海珍下箸猶思吐
誰念魚蠻子冒險同暴虎我願海波平普天蒙福祐

午潮退後復遊瑞祥寺腹病陡作留宿山嶺

潮落沙平坐水濱重攀岩岫坐松筠初期海上逢仙
子忽作維摩示病身
公子沉疴體未平當年七發賴枚生觀潮八月能除
病今日觀潮病反萌

謀卓二尹新任吾湖二首

係鷺塘人向來合譜以江西籍援例入貢

遂得
湖關

棣萼翩翩托並枝
天涯冰雪聚鳩茲
維舟江浦淒涼夜
置酒衙齋歡會時
從此屋梁愁落月
每因池草輒題詩
喜今枳棘棲鸞鳳
遂欲摩天見羽儀

鳩茲卽蕪湖也
因奕聞榷稅蕪湖關
余自楚遊假道時
值歲除招飲署中
始晤謀卓故詩中
畧叙始末

干戈未息尚妨農
輓粟飛輪仰四封
試展長材期製錦
莫嫌短馭學哦松
行看茂績同龔遂
豈有循良讓魯恭
退食公餘能泛菊
柴門相待久扶筇

孟冬旣望夜泛鸚湖四首

鸞水分流九派通
孤舟移棹月明中
層軒傑閣臨波面
半壁浮屠接混濛
鷗鷺寢酣藏韋箔
魚龍夜冷蟄珠宮
止留萬頃瑠璃色
數點漁燈隱現紅
三山咫尺路難通
且泛鸚湖曲水中
城市依稀煙渺渺
蒹葭搖曳露濛濛
遙聞戾呖依村舍
徐引鐘聲出梵宮
可惜楓林猶似錦
朦朧難辨隔溪紅
蒼茫雲海與湖通
大地山河一鏡中
烏鵲驚飛翔碧漢
星辰落影漾空濛
應期神女遊湘浦
更望姮娥下

月宮珮有遺珠分竊藥衰顏猶得比花紅
難言杯渡具神通挂席時乘穩浪中方對明星歌在
留寧愁零雨味其濛清霜倍冷三秋夕皓魄曾臨六
代宮俯仰乾坤悲我老銜盃語笑暈微紅

三山和山年上人燈花原韻

前二律泛味後二律意酬上人

一夕清燈裡熒熒發異葩爭妍開頃刻乘夜鬪年華
不假懸鈴索還宜護障紗老夫隨俗態喜對爾成花
繼日焚膏火長檠幻作葩氣暄回黍谷樣巧奪春華
光焰成霞綺丹心映碧沙燃臍眉塢敗安肯簇爲花

君具神通方法筵雨妙葩清宵常秉燭爝火競敷華
閃爍含金粟芳菲照絳紗天人應共喜笑指是琪花
禪心兼繡口擣漈盡天葩偶發燈前咏直撫庶子華
趨炎防抵觸加愛籠輕紗說法深更夜卽成解語花

批敬題沈客子小像十咏

客子以古人事跡圖形其間布爲十景

峇主圮橋納履
訪道留侯已學仙圖形納履着橋邊那知黃石重遊
世又把奇書贈少年

重遊赤壁寢舟異日對江山容以良辭以戲人人以

重遊赤壁秋冬異已悟江山寄幻身鶴幻道人幻
夢夢酣蘇子幻他人

東山絲竹山園水竹山園水竹山園水竹山園水竹

蒼生繫望久慙懃太傅高踪自絕羣可惜東山歌舞

地如何操券與休文十和

羊裘垂釣

昔往桐江仗友朋釣臺石上我曾登看來景物多如

畫却怪羊裘換子陵

南山射虎

漢家飛將貌誰同重見南山挽角弓可是青箱傳世

業又將射虎學英雄

東籬植菊

東籬泛菊羨淵明瞥見丹青意倍驚猶記帳前曾立

雪籃輿今又倩門生

醉草清平

傾國名出色艷時謫仙乘醉興淋漓而今不賦清平

調擬生員樓八詠詩

細柳營開

棘門灞上真兒戲大將營開壁壘新細柳森森皆似
戟先生免見負芻人負芻借喻沈姓

綸巾羽扇風流相峻嶺驅車道路長八陣經營無定
屬何妨出自楚諸梁

說法雨花

曾向空門久息機天花繚繞法筵飛英雄退步休輕
着且脫袈裟易錦衣

沈子叔輪攜妓觀戲一絕

仲春既望作

聞君昨日聽笙歌座有紅裙勸叵羅不是阿難將毀
戒還教天女伴維摩

仲春新霽郊外散步

丙辰年

郊外閒行散鬱陶喜逢晴日是今朝梅銷積雨初成
子柳帶輕烟早弄條遠望層巒登雁塔俯臨曲水渡
虹橋可憐景物江南好三月鶯花一半消
上巳後二日宴集紅豆閣分韻得庖字七律二
九十春光未盡拋初看乳燕卜新巢興餘曲水重修

袂宴罷蘭亭更治庖徵令三章新約法飛觴四座舊
知交自慚述作非陶謝秉燭更深擬解嘲

老去疎慵事事拋一枝棲息且安巢騷人平命爲盟
長尸祝焉能強代庖久謝青雲攀貴客尚因紅豆托
新交簪纓蘿薜他年異敢假山靈一獻嘲

和友人韻前題

求和勝事誰能繼儒雅風流屬後人令節雖當遲日
暮韶光猶帶曲江春閣中邀月穿珠箔席上飛花鋪
繡裯此日羣英高會處懸知天漢動星辰

季春十二日至沈子仲蜚南園留宿漫興

凌晨曉起一登樓雲日初披宿霧收溟海層巒窺戶
闌鷺湖曲水趁溪流絮飛花謝春將盡蝶舞蜂狂景
尚留久坐呻吟思捉筆君家八詠恐難酬

游女喧闐問碎疆三三五五度回廊畫橋波映芙蓉
面珠箔香生翡翠妝羅韞勾留花絆住紅裙飄颺蝶
輕狂從今歸去蘭房裏刺繡拈針夏日長
不巾不襪自天真時向花間步幾巡絮未粘泥先糝
徑鳥將反舌尚啼春新荷臨鏡堪娛老榆莢飄錢聊

濟貧一宿流連還信宿此身疑作武陵人
粧點樓臺一畫圖靜觀物態盡堪娛櫻桃漸熟垂紅
豆梅子初圓綴綠珠輕颺落花飛不定
軻輞谷鳥語相呼鶴鳴夜半聞清唳金谷園中可有無
芳菲紅紫半飄塵尚賴花王殿晚春濃艷一枝誇國
色清平三闋奏詞臣錦幃繡被心如結水榭山莊意
倍親芍藥爭妍思比貌應慚侍婢作夫人

鷓鴣湖竹枝詞

鷓鴣洲前徧芳草兩岸桃花紅正好與郎花下共流

連只怕春深花易老

山寺溪邊弱柳垂枝枝葉葉吐青姿儂抹曉粧郎折

柳試將柳樣畫雙眉

陌頭飛絮舞輕狂入水爲萍益漂蕩歡情如絮復如

萍從此分離空夢想

雕欄畫棟舊珠樓桂楫蘭舟盡日遊夕陽景暮綺羅

散粉黛香飄古渡頭

初成鴈塔已層層佳麗相呼試一登弓鞋羅襪難移

步教人無計可飛騰

久往深閨始出門，棹攜南浦到名園。路逢惡少粗狂甚，轉憶卿卿笑語溫。
風林平岸一登日，舞罷舞時少婦春愁易感傷。鴛鴦刺繡不成行，一上珠樓頻嘆息。空教十五負王昌，林蘭長盡日，數次觀景暮餘羅。
陽春士女聚鸚湖，交甫遺珠事有無。願作湖中常住水，樓頭倒影落仙姝。

游湖季春二十三日進香觀海二首

老人結伴少年行，山海移情應接忙。淺渚沙洲飛白鷺，長堤石畔坐紅粧。空王古刹燒銀燭，仙子行宮爇

瓣香。更欲觀潮思作賦，愁無綵筆似江郎。

河伯當年覩面顏，驚看潮汐撼人寰。鯢鵬擊水搖三

島，夷夏分疆控百蠻。方丈瀛洲應不遠，盧生徐市幾

時還。斜陽向晚遊人去，獨立沙汀對白鷗。

遊陳山登眺夜宿蕭寺

登山賈勇尚爭先，騁望平原思悄然。樹暗綠陰藏草舍，花迷紫陌繡春田。潮音近寺和鐘鼓，嵐氣侵城接市廛。自覺凌風生羽翮，飄搖雲路入寥天。

去秋遊陳山有作再和前韻

重尋山寺陟高岡且轉蘭舟泊野塘澗壑流泉仍活

活毛詩作括峰巖積翠倍蒼蒼座聞仙梵千林靜庭散天

花二院香追憶曩遊成往事只憐烏兔趁人忙

登山錢塘行感時而作

齊謳漫擊節郢曲莫登塲眾賓且列坐聽我唵錢塘

錢塘武林地吳越舊分疆洪濤雄浙汜翠岫列崇岡

西子湖一曲長堤樹眾芳蘇小車油壁仙姝袂淡粧

虹橋卧波面畫棟映疎楊乘春多游冶衮服雜明璫

蘭舟移錦浦玉勒騁驤霓裳舞綺席象管沸華堂

繁華正無已歡娛且未央豈料屯師旅景物遂淒涼

橐駝裝粉黛戎馬縛姬姜蓬首塵垢面猶着越羅裳

良人縱邂逅相顧各徬徨吞聲語還咽淚折九迴腸

昔年行樂處觸目動悲傷此曲綿綿恨地久共天長

結客篇

蓬矢男兒志安能老一丘慷慨出門去出門事行游

入吳訪專諸意氣托同儔蒸魚發七首解佩贈吳鉤

西北游燕趙易水波淼淼荆卿與漸離擊筑歌未了

白日貫虹霓餘音猶繚繞舉觴進我前昏夜連清曉

驅車至西韓軹深一解鞍井里有聶政賤子請交歡
鼓刀着犢鼻市肆久盤桓再遊大梁道侯生年已老
尚爲夷門監立談便傾倒朱亥方在旁願言同盟好
假道出邯鄲毛薛隱市廛藏身多匿跡常在博徒間
酒酣時促膝游處得比肩歷覽皆名勝結納盡英賢
然諾終身踐緩急軀命捐卓哉游俠子節義爲世難
可憐執戟者白首徒草玄

春雨二律

女媧雖煉石補漏竟難希青帝徒司令東皇幾日歸
芳林紅漸瘦苔壁綠添肥北阮貧加困爨煙邇亦稀
春光能有幾旬日少晴暉桃李消顏色蓬蒿長翠微
黃鸝愁並坐紫燕怯雙飛童冠依然在誰能共詠歸
贈簡南上人

支公曾送難元度心莫逆惠遠結蓮盟最愛陶彭澤
高踪不可攀誰能繼往昔幸遇簡上人丰標越凡俗
問爾長何方乃余舊鄉邑邑中推名族簪纓世接跡
早歲厭塵氛法筵屢登席卓錫住五茸星霜幾變易
已證無生忍遊戲寄典籍畫手通三昧竊我虎頭筆

並海得相携，登山同杖策。留連宿蕭寺，清談話未夕。
傾蓋能幾時，復振雲霄翮。無意戀枌榆，仍爲異鄉客。
執手感臨岐，徘徊不忍釋。願言托鴻羽，慰我長相憶。

雙松一律分韻得刪字

四月初十日社集震來軒

蒿蓬塞徑已加刪，手植青松列小山。雙節弟兄存毫
社，連枝伯仲化荆蠻。虬龍並起盤根抵，鸞鶴分棲記
往還。靜裏忽聞天籟發，濤聲共作水潺潺。

送春曲

春將歸兮不肯住，相送春兮山之阿。韶華一去疾如

梭，鶴怨猿啼可奈何。東皇默默讓南訛，行隨麋鹿隱

薜蘿。驪歌一唱涕滂沱。

春將歸兮不可留，相送春兮水之曲。壁車游女藏金

屋，芳草王孫歸騎速。青帝閒居返幽獨，靜對清波荇

藻綠。臨觴祖餞起擊筑。

春將歸兮不能挽，相送春兮城之隅。露桃花謝滿長

衢，乳燕巢成棲構榼。太皞臨岐亦嗟吁，玉臺金谷罷

笙竽。我瞻望兮徒踟躕。

春將歸兮不及追，相送春兮林之麓。黃鸝舌轉聲陸

續新篁翠篠搖碧玉勾芒此去如轉轂隔歲陽回動
黍谷拭目望爾返初服

金陵懷古

龍虎爭雄跨石頭雞鳴埭口列雄州只憐揮麈清談
客空負沉江鉄鎖謀九廟煙煤難撲焰六宮花草倍
生愁秦淮留得前朝月清夜依然似昔遊

艷歌行

綺閣映垂楊下臨東西道道上行人自往來東風日
日生春草草色拂人衣青驄馳驟飛王孫遊郊外薄

暮踏青歸歸來庭院深沉處可憐桃李芳菲樹少婦

紅箏列兩傍玉盤聲落黃金筍明月控簾鈎門前嘶

紫騮烏啼信陵府客散孟嘗樓樓頭鼓角催巫夢未

言回篆微香燼滅梁曙燕飛來朧朧曉日生佳麗半

解餘醒倚妖妓雲髻橫垂七寶釵妝成畫架爭春戲

戲罷兩翩翩歡娛不羨仙羅裙留宿雨眉黛着輕煙

公子新承寵將軍獨擅權黃金高北斗聲勢欲齊天

此日此時難遭際况值清明好天氣酒中花裏且留

連富貴不爲他日計萬錢買色千買聲新者上前舊

者棄棄置不復親。還將寵後人。年華猶未晚。光景正
當春。且行樂事。供年少。莫歌薤露動悲辛。

黃鸝

不羨天街託鳳池。棲遲林麓轉芳枝。綿蠻舌底真如
話。若伴騷人定咏詩。

乳燕

乳燕相呼不暫離。平生未解是相思。鬱金堂上重回
首。妬爾雙棲玳瑁時。

新桐

小院梧桐綠葉齊。未容剪伐削爲珪。止添疎雨加新
翠。貯作清陰待鳳栖。

芭蕉

綠扇初開尚卷舒。應期高士伴幽居。貪看醉後清狂
發。潑墨淋漓縱筆書。

雲棲謁蓮大師塔院

大師儒業舊白社。主宗盟鹿苑蒙塵。劫獅音特吼鳴
松楸。雖偃仰澗壑尚崢嶸。少憇招堤境。凡心不復萌
吾衰行日暮。淨業愧無能。瓶雀難遮手。井蛇漸據藤。

虎溪隨步屨，鴈塔覩峻嶒。稍悟無生理，三車總一乘。
當湖夜月
琉璃萬頃接空濛，九派分流皓月同。激灩波光搖鴈
塔，澄泓潭影漾珠宮。城頭鼓角三更後，畫舫笙歌一
鏡中。此夜使君多逸興，可攜琴鶴對清風。

悠然亭觀魚

閒居靜無事，一飯思晝眠。有時幽興發，步屨向前川。
前川一亭迥，名之爲悠然。悠然與意會，登眺且臨淵。
羣魚掉尾出游泳，戲吾前魚樂吾亦。樂彼此忘乎天，
其中有雙鯉。尺素爾能傳，寄聲語河伯。爲我致拳拳，
清廉有茂宰。合浦珠可還。

輓許母尚孺人二首

積歲靈椿傲雪霜，仙萱晝永並無疆。京陵東海閨房
秀，阿大中郎玉樹行。方慶慈幃榮翟茀，忽驚總帳奠
椒漿。姍姍環珮歸三島，何日乘鸞返故鄉。
女宗家範孰爭先，彤史流徽紀簡編。熊膽徒勞勤子
夜，潘輿不及奉親年。空留眉案何人舉，誰挽鹿車共
着鞭。他日承恩邀紫誥，封高馬鬣草芊芊。

養蠶七夕同馬子耿民蕉菴上人飲於屠子大如永
外番興建堂本此空得探天門八
良辰問何時秋夜初逢七迢迢銀漢間相望嘆離隔
靈官役烏鵲俄頃橋梁畢帝女會牽牛邂逅成家室
是夕廢織作機杼不成匹鳴鷄聞三唱話別苦倉卒
此事傳古今令節不可失斗酒聚比隣四座延嘉客
瓜菓陳中庭歌呼共浮白吾儕幸歡會離散亦有日
相逢不痛飲何以語膠漆

咏背面麗人圖

絕代佳人世所希姍姍倩影是耶非貌憐傾國難回
首魂返高堂未去幃羞畫雙蛾窺宋玉懶妝半面學
徐妃止留背立春風意徙倚空庭對落暉

贈蘭蓀王子家藏書帙

并集名士贈詩題爲彙珠一卷

君昔郊居卧草堂我棲巷北接村庄越陌度阡披草
徑婆娑衡宇共徜徉君言嗜書爲余癖力致芸編幾
千百願子爲我題數言長篇短什壓元白余時唯唯
應者三盟寒息壤愧疇昔疇昔至今十載餘君出彙
珠復示余不覺赧顏汗流背此事豈敢付子虛集中

哲匠皆大巫小巫神喪終躊躇欲余贈言無他囑青
箱什襲比瓊瑤牙籤玉軸誇翰海光氣燭天時卷舒
夜半有力如負去願仗百神呵護諸况君便便腹笥
足何用呻吟假裘牧且尋石室加扁鐫再啓後嗣恣
誦讀

青青河畔草

青青河畔草陽春競美好淑景變嚴霜葱蒨成枯槁
憶妾侍君幃嫵婉及年少竊慕連理枝願爲比翼鳥
不謂君遠征萬里關山道關山各異居契濶十年餘

蟋蟀吟空房不見休役車鴻雁足天邊曾無一札書

朱顏難久駐憔悴將何如

採蓮曲

江南煙水混長天方塘曲沼滙斜川渚蒲荇藻莎草
綠中有荷花芳且妍少婦空閨難獨守相邀女伴共
採蓮渡口殷勤接桃葉相與採蓮不用楫若耶溪女
顏如花相與採蓮休浣紗汝南妖姬字碧玉相與採
蓮及破瓜鬱金堂上盧家婦相與採蓮戲水涯洛浦
宓妃凌波面漢皋神女會相見湘靈鼓瑟乘風來仙

子霓裳浪花濺採蓮採取蓮並蒂相離相別怨夫婿
採蓮採取蓮下藕藕絲斷續愁思繫採蓮採取蓮內
心苦心憐子空掩涕採蓮採取蓮與莖密刺留儂牽
衣袂薄暮難回西日暉採蓮歌唱急思歸棹移南浦
歌聲遠驚起鴛鴦比翼飛

夏日山居

山中無烈日朝爽亦氤氳百道泉飛澗千章樹拂雲
松聲聞逸響蘭氣浥清芬但願離塵境不辭鹿豕羣
長夏幽岩裏邈然與世違青精炊作飯薜荔製爲衣
筇杖臨丹壑茫鞋踏翠微黃公攜綺季朝暮叩荆扉
空谷誰投足炎天永日閒幽溪乘鹿過山果遣猿攀
枕石青松下鳴琴綠水灣朝隨飛鳥出暮與白雲還
山家無簡束散髮任披猖雲襯荷衣濕樹添竹簟涼
引泉穿遠竇放鶴出高岡樵子歸來晚長歌過草堂
蓬藿迷蹊徑陰翳入窈冥苔痕稠虎跡藤蔓雜蛇腥
山鬼深林嘯啼猿徹夜聽塵氛從此隔展卷閱黃庭
雪霽後沈客子招飲紅豆閣同席者雲間錢子
章遠沈子叔輪分韻得行字

鄒子遙吹律陽回變雪霜引盃忘濩落促席任疎狂
剪燭歡無極傳籌夜未央醉吟還捉筆斜點不成行

仲冬廿八日叔輪招飲震來軒

席上同錢章遠
沈客子分韻

置酒稱高會清言許縱談人文推浙右賓主冠江南
挾筴曾爲蠹醉眠近學蠶樓頭酬八詠竹影亂空潭

再用前韻

怪君離別久無日接高談旅鴈羣違北征帆始指南
相逢疑社燕托興咏春蠶更問雲間事白龍可在潭

丁巳年

村郊散步二首

遲日傷春色行游散鬱陶菜披金鑲甲花繡錦宮袍
戲水輕儵躍迴風舞燕高溪橋閒騁望幽興似觀濠
步屨及東臯田家問苦勞省風方扇物覘土漸含膏
農器猶懸耒耕牛未放牢幾時春作社相與醉村醪
暮春初十日渡震澤湖二律

洪波浩蕩試輕舸破浪乘潮興轉豪山色蒼茫環翠
黛湖光激灩湧銀濤風帆遠浦依三島鴈塔孤峰出
九臯水底蛟螭知聚族可容龍伯釣連鰲

名川笠澤擅吳都、且喜攜朋共泛湖、雲散霞光凝赤
水、波搖日影弄玄珠、漁舟縹緲聞歌唱、村舍依稀點
畫圖、我欲浮家思問渡、鴟夷易號便相呼、

過白雲洞

有僧結廬其中

老衲高踪出九垓、白雲深處洞門開、只嫌多種桃花
樹、反惹遊人逐隊來、

遊虞山詩

清晨飽吾腹、杖策尋山麓、逶迤歷巔岿、吮攀緣凌峻谷、
怪石列森然、奇形類鬼伯、劈劃爲劍門、巨靈實斫斲、

臨去猶摩娑、前行頗躑躅、崔巍出琳宮、禱賽介景福、
歲時走村翁、雜遝紛如鶩、游女結伴來、新妝飾炫服、
刺繡滿春衫、練裙垂百幅、鬢髮凌雲起、貂尾續不足、

近來女妝多用貂尾遮額

野老抱杞憂、侈靡恐敗俗、沉吟立斯須、

顧盼溪流洑、拂水常激湍、泉涸失飛瀑、北折復東行、
選勝探乾竺、道逢碧澗流、以手飲一掬、梵宇舊三峰、
陰翳障古木、延客兩山僧、酬應反拘束、重上一巖巒、
桃花蔽石屋、洞中多白雲、衲子惟孤獨、坐久思療飢、
愁無餽與粥、傾筐出所攜、晚食聊當肉、還問來時路、

餘勇猶可續側身望海巔天地何蹉跎興福亦古刹
敢辭路迂曲望嶺隔維摩日脚下平陸倉黃歸去來
相對把醴醪

遊東硤山

旅宿西硤是日雨霽泛舟往東硤

東望層巒一葦航不辭躡屐上崇岡啁啾春鳥鳴谿
谷瑣細山花蔓路傍古塔高攀離色吟禪房小憇禮
空王岩前亂石多蹲踞疑是初平舊牧羊

雙峰相對並雲根尤愛東山竦處尊緩步深林尋澗
磴憑陵絕巘望平原湖連於越分江岸地盡勾吳接

海門我願結廬依翠壁應垂星斗落層軒

硤山碑記云白鋪江

練青點海門余以其語點入

余拾取浮石沈子叔輪有詩見贈依韻酬之

遊來東硤步溪邊拾得山根袖底懸歸卧北窗支一
枕不求萬選慕青錢
石性堅鏗此獨浮不隨新月落沉鈎攜將錯置衡門
下小作青峰對白頭

棲遲槃澗樂悠揚早謝當年翰墨場偶遇石公差納
履意同臧獲兩亡羊

石浮水面似無根靈穴多般異斧痕疑向三生期舊
約月明岩畔舊精魂

遊西峽

山色朝來爽矐矐麗日暄興來登峻嶺俯眺覽荒村
滅沒殘碑在傾頽古廟存神明稱赫濯無使雨翻盆

連日
苦雨

和叔輪苦雨原韻

我來逆旅宿層樓坐對風霾雨不休難望清宵懸玉
兔惟愁白晝聽鳴鳩電流石火雷聲疾雲住峰頭水
氣浮自笑迂疎多杞慮農家從此失西疇

峽山紀遊

有客相招遊雙峽乘流破浪駕行艤喜看旭日弄新
晴薄暮疾風吹獵獵兩峰悵望隔前途且依旅店泊
舟楫黑雲舒卷雨翻翻轟雷砰磕電流燁中宵反覆
客夢驚三更秉燭聽鷄鳴鷄鳴闐闐天欲曙淋鈴更
作颯沓聲篙工不畏風波惡側拖欹帆冒險行梅溪
早發歷村野須臾繫纜峽山下峽山山麓古招提上
有層樓接廣廈連宵旅寓坐書空忽披宿霧日矐矐

春朝花柳依然好興來不覺步林叢已遊西峽復東
峽士女嗔闐兩地同紅妝炫服滿山谷祈年禱賽走
村翁我愛松風踞巉石時上層巒憇梵宮斜陽西下
不可留歸來客舍還唱酬明晨風雨仍如舊惱聽鳧
鷖與鳴鳩從此一棹入鴛水衡門偃息又何求

暮春廿五日叔輪招余遊峽山午前卽鼓棹不及
抵峽夜宿王店頗爲雷雨所苦明晨始至焉寓居
蕭寺雨連昏晝足不出戶廿七雨始霽遂登兩峰
稍稱勝遊暮歸旅舍霖雨復作矣尚逗留一日廿

九假道禾城借棲南宮道院三十還家聊賦古風
以誌之

憂旱四首

從來稼穡利沮洳一遇恒暘稗不如傳說甘霖思古
昔趙宣烈日倍秋初井蛙病渴悲蝌蚪偃鼠臨河哭
鮒魚藿食雖無民社寄誰能吸露飽清虛

溝澮何時水滿坳日從卜筮玩諸爻陰陽曆數渾無

紀休咎占書亦可拋熒惑反來躔北斗

時值
火災密雲畢

竟散西郊流漂木偶終年在土偶無顏作解嘲

幽棲無事掩柴荆，爍石流金午夢驚。
樹底鳴蟬俱聞寂，堦前蟋蟀盡吞聲。
屢從焦土時投足，何處滄浪可濯纓。
願假天瓢傾灑瀝，雲霓慰望樂農耕。
上帝封江亦拙謀，忍看黎庶等蜉蝣。
亢龍雖息玄黃戰，朱鼈奚從汗漫遊。
雲漢天高橫獨鶴，沙洲水淺散羣鷗。
幾時南畝沾優渥，好把清尊一唱酬。

戲詰旱魃篇

攝提西指火西流，禾苗吐穗滿田疇。
邇來匝月無霖雨，苗將就稿歲無秋。
父老謂余非天意，旱魃爲災爲賊蝨。
余聞此語髮衝冠，延請符師登法壇。
手把蒼龍三尺劍，雷霆攝召不容寬。
須臾有物窺戶闌，露頭縮頸如跛鼈。
形似倏僥短之至，貌同魑魅醜類別靈官。
神將各森羅，防其矯健氣勇決。
余呼旱魃汝河鬼，敢向清時逞禍孽。
朝廷刑政盡公平，宰相陰陽頗調燮。
豈有悖德失天和，反憂雲漢靡遺子。
堯時洪水八九年，汝偏遁跡屏幽穴。
商家赤地六七秋，攜朋挈侶日斃躄。
皆汝包藏蝎螫心，窮奇擣杵汝尤劣。
我將磔尸陳市朝，頭足異處泥污血。
旱魃聞言反抑揄，君何飾

詐欺我愚浪言四海已平治小醜蠢動豈無虞滿眼
干戈未偃息戎馬所至徧毒痛朱顏粉面裝駝馬母
子牽衣血淚枯殺戮時時到鷄狗未填溝壑亦獨夫
新鬼啾啾哭風雨舊鬼煩冤夜驚呼怨憤鬱結冲九
霄雲師奔散屏翳徂浙西幾郡獨寧宇聊假凶荒代
鼙鼓此是上帝仁慈意我實何辜遭患怒况乃朝賢
立比肩外而藩牧職旬宣汪洋襟度不我瑕我常掉
臂遊其前君本衡茅一賤士爲蠓爲蚤天地間宅居
蝸角棲蚊睫鼠肝蟲臂誇便便料君糊口能有幾豈
是何曾費萬錢一簞粗糲足一日百甕黃齏了百年
假使大田歌震霖富者千倉儲粟菽貧家遺秉亦滯
穗嗟君瓶罍苦不足若遇凶災稼不收君無官稅亦
無憂歌魚彈鋏皆活計秣馬膏車從遠遊爲國爲民
非君事語言迂闊疑狂醉腐儒習氣終不悛我將叩
閭訴天帝奪君繡腸無一卷攘君彩筆無一字二豎
相侵日沉綿五窮爲祟難逃避東皇太乙招不來薛
蘿山鬼肆無忌始知休咎不由我薄示恒暘寔天意
余慚是說難致辭恣彼逍遙謝符師韋布常思天下

任蹉跎白首誠爲痴精衛何能填東海夸父終作鄧
林枝與兵蠻觸休排難鼓琴成毀任張弛杳杳冥冥
爲至道睢睢于于安用之

喜雨四首

丁巳仲秋朔日時久亢旱景使君顧二尹劉三尹
諸父母趙王兩學師偕邑紳鄉老精虔步禱余隨
後塵越二日甘霖傾澍并連宵晝自此大田可咏
雲漢無憂矣喜以賦其事

舞雩賽禱動欷歔靄靄停雲掩日車遂召蜿蜒生鉢
水還驚黑蜨起潛居陳疇應免極無慮紀歲行將大
有書從此鸚湖沾德雨甫田歌咏徧郊墟

離離禾黍蔚西疇忽澍甘霖歲有秋抱甕不煩輸灌
漑翻盆早已慰耨耰農家八蜡迎貓虎河伯雨涯失

馬牛

時添新漲

衆父羣公偕至禱杞人一夕坐銷憂

崇朝興雨正祈祈旱魃疇能恣逞威初見雲師承覆
蓋卽煩玉女速披衣苗同槁木枯還潤人類鳩形瘦
轉肥歡極中宵難假寐支床伏枕聽霏霏

偶移步屨訪農村相慶滂沱預討論土鼓歙函煩亞

旅瓦盆承酒挈兒孫鷄豚作社披荒徑禾稼登場啓
華門田父醉來誇令尹一犁烟雨總蒙恩

慰弘上人將遊四明及門沈子客子餞飲西庄

同人賦詩以祖行

前上人往遊徐州近復適越

季秋霜未隕林壑樹猶綠征鴻集沙渚去燕辭華屋
榮枯景物換聚散人事速大師歸彭城鷺水初住足
今往適何方卓錫越山麓西郊出祖餞良友會金谷
緩步凌峻坂雜坐臨湖曲高談展清讌繁音屏絲竹
支許幸同堂佳肴兼野蔌歡樂未央中宵更秉燭

臨岐重執手願言留信宿行邁幾時還翹首望乾竺

孟夏九日和叔輪訪菊原韻四首

朔風飛捲暗黃塵始見霜姿競吐新羞伴桃蹊爭麗
日願依蒿徑對幽人托根彭澤曾經歲移植蘭亭應
占春小立庭前披玉貌傾城國色似呈身

霜葉爭妍二月花東園籬下遂蒸霞有肴在俎來相
過對酒如澗豈遠賒感嘆柔條標勁節驚疑秋日鬪
春華高朋接席同欣賞老大疎狂興亦加

再和前韻

宅臨城市厭囂塵移步村郊發興新越陌度阡披草
徑提壺挈榼訪騷人愛花留伴枝頭月把盞徐傾箸
下春坐對深更銀燭裏芳枝離立影隨身
有客攜朋共探花花姿濃淡傲烟霞仙姝姑射當前
現神女巫山豈夢賒且對清尊娛景物莫因衰髮感
年華只愁欲和陽春調閣筆攢眉思苦加

送馬浩齋遊閩

男兒志弧矢天涯事遠遊豈若守株者白頭老故丘
余曾客京邸君亦覽皇州悲歌發燕市慷慨動公侯

走馬金臺下銜盃易水流嗣後入荆楚把臂黃鶴樓
正平不復作灑涕鸚鵡洲數年各屏跡衡泌日淹留
今君往南越隋珠不暗投如鳥搏風起似魚縱壑遊
弄兵得劇孟幃幄代運籌閩海鯨波息蒼黎亦免憂
此行非彈鋏借以吐壯猷願君傳尺素慰我雙凝眸

送王白民還甬東

我長勾吳君於越伯勞飛燕東西別素壁縱橫挂銀

鈎始識泥塗溷賢哲

初與白民本不相識見西隣壁上諸咏遂爾定交從此

蒹葭初倚玉攀嵇交呂深相結萍踪歡聚復乖離天

涯異地易裘葛長安邂逅幾驚疑豁我襟期慰飢渴
燕山易水動高歌屢奏巴詞酬白雪君駕南轅出帝
京余遊三楚改北轍邇來重敘鷺水濱未夕流連談
契濶相攜笑語度春風時把清尊邀素月灰飛緹室
歲窮冬君復星言渡江浙言旋珂里殊客遊斑衣舞
膝味分割天倫家慶歡未央豈爲詭異誇高節明年
假道入五茸相期握手聆玉屑

題陶子晉逸小像

像如老衲

彼伊人兮鷺水之潛繼元亮之高節傲貞白之隱居
六經游好三徑棲遲方爭鳴於芹水或說禮而稱詩
思皈依於蓮社遂帶索而披緇我有一喝吼聲如獅
請問瑤塔玉樹畹圃蘭芝如何放下求絕貪痴這箇
佛子應對如神天花雖亂墜不着無垢身眷屬雖相
聚不隨愛河津昔日維摩吾將步其後塵

戊午年

題陸表弟純伯小像

仲春花朝前二日雨窗作

咄咄老翁居然道士竹馬童年雲鵬壯志懷璧屢獻
蹉跎暮齒乃易黃冠跡遠朝市乃服羽衣脫略朱紫

如意提攜阿戎愧恥帶索隨身榮期堪擬撫磐石以
徜徉慕高風於洗耳從此而後控白鶴於緱山探玄
珠於赤水心通萬物之表神遊天地之始吾烏能測
其所以乎

和友人水仙花原韻

李姓字子霖

不隨社燕對差池常托寒梅伴董帷淡掃玉臺邀夜
月香添金盞占春時荃蘅依瀨生同調菡萏凌波派
異枝賦擬宓妃遊洛浦才誇八斗費陳思
子霖復以詩見贈依韻和之

傾國名花賦謫仙後來彩筆倍爭妍羞看艷色牽塵
慮偏愛冰姿意冷然逸興高騫凌碧漢詞源噴湧激
飛泉西家有女工顰笑誤殺東鄰醜並傳

丙辰春暮留宿沈子仲蜚南園雜興

欲將景物貯奚囊步履時時遶曲廊燕語雕梁棲玳
瑁鶯啼紅樹奏笙簧風軒弄笛邀明月綺席銜盃送
夕陽二美四難兼并具却教老大放疎狂

丁巳仲春重至南園有傷仲蜚感悼四首

重至山莊訪故廬紛紛愁緒泣楊朱樽前點檢人非

是花下行吟我亦孤宇棟塵生鴉集舍稻梁恩厚鶴

殉軀園中有鶴近亦物故松杉亭畔銜盃處遂作黃公舊酒壚

入門不改舊林泉景物凄其異昔年聽鼠銜窠青案

上蟪蛄織網畫樓前縹緗玉軸蟲居蠹窈窕文窗鳥

啄穿馬鬣未封靈在殯敢云墓草宿芊芊

韶光煙景已爭妍小憇紅亭傍水邊弱柳依依飄似

線新荷灑灑疊如錢只憐接武開三徑因公郎近復修葺反

痛修文在九泉華屋山丘俱感涕誰能編曲和前賢

往昔栽花薙草茅梅開依舊滿山坳羅浮夢斷人長

逝庾嶺枝寒月挂稍檀板金尊雖久廢暗香疎影不

終拋還家下令應重賞折取冰姿雜蕙肴

沈子仲蜚平生落落寡合自弱冠後追隨愚弟兄殆十有餘年此外惟硯友數人而已蕭寺寒齋風雨歷徧奇文共賞疑義相析非晨夕可數也自南園初構每至春花秋月招飲留宿余性疎慵曾無

題贈適丙辰仲春同家渭陽下榻東軒余謂仲蜚日願賦十咏以償夙昔不意僅成五首不如數而

止今歲戊午仲春尋梅重往感物興悲復為懷舊四首并續一首以補之雖踐盟無慚然撫今追昔

不禁涕淚交集矣

空王暮春月杪同陸柱史鶴田進香天竺卽事和韻

彼岸先將一葦航盤迴鳥道歷羊腸披雲犯曉凌深

雜味

谷躡磴緣崖到上方
士女婆娑遊竺國
幡幢飄颺坐空王
香拈一瓣心癡祝
四海蒼生福履長
焚香禮罷步山坳
處處奇踪未敢拋
石蟹潛藏猶穴處
洞猿呼出向蹊跑
東西合澗流三竺
南北連峰賽二嶠
更愛涓涓泉脈細
山僧竹引入廚庖

小憇龍巖山樓更遊靈鷲峰再和韻

蓐食陪驄馬化城
幸托遊尋幽時稅駕
覽勝共登樓
疊嶂晴雲起層巒
宿霧收更思靈鷲好
買勇上山頭
又和登樓晚眺

湖濱景物古今同
寥落山川帶梵宮
隄跨虹梁環寶

帶峰圍翠黛障屏風
鳴笳屢奏旋河朔
歌管重吹自

浙東

征南將士時已凱還

若泛仙舟能醉月
風流此日繼蘇公

將入武康夜宿臨溪和鶴老原韻

閏月初四

潺湲雪水接孤城
元禮仙舟此日行
晚步浮梁看黛色
夜眠欹枕聽溪聲
人懷桑苧追風雅
地僻桃源少戰征
路轉封禺鄰咫尺
挂帆猶待好風生

舟泊武康頌美韓侯新政再用前韻

代沈紹先韓侯名逢

高賀樓
麻山左人

卷四

雜咏

七

高賢製錦試巖城令甲重新雅化行襦袴興謠歌治

狀箕裘踵武振家聲民安耕鑿無苛政野徧桑麻更

緩征黼座應知題姓氏台垣虛左活蒼生伊父名庭苞字燕翼

壬辰進士曾為吾浙金衢兵憲

邑中散步武邑無城郭居民僅數百家而已

野店村庄即是城郊原一路傍溪行招提佛古苔生

面闐闐人稀鳥弄聲徧覽山光兼水色稍酬夙駕與

宵征無端忽下催詩雨嶺上雲橫墨霧生

邑侯招飲即事賦謝

花縣來遊似化城賓筵秩秩酒初行不煩絲竹娛瑤

席早聽絃歌叶頌聲初欲張戲辭以得免茶竈安爐營壁壘烹試

新茗蘭亭賭奕起師征亭中賭奕尊前已味鴻遵渚雛鳳遠

看五彩生邑侯乃翁將欲東歸故引鴻飛遵渚邑侯更出幼子令沈紹先看相示以雛鳳指之

進遊武邑深山歷行撫軍仲鶴陸公墓道閏月初七

擁旄豫地舊耆英童稚提攜識大名古木千章連宿

草飛泉百道遶佳城簪纓接武長流慶霜露興懷倍

感情吾友昔年誇勝境揭來此地慰平生故友陸封翁天全也

乘筏徧遊武邑諸山

攝提指季春夜宿前溪路

前溪武康地名

西北攢羣峰探奇

思日寓蓐食早晨炊濛濛灑微雨乘桴涉洲渚曲折

迎流泝淙淙澗底泉咽石激暴怒陡起列巘岈鬼怪

貌呈露峭壁立深潭有龍實呵護

潭甚深澗上建龍王廟有大石垂坡

名魚尾石

翠岫滿山花紅粧被寶璐石鯨將掉尾平川亦

奔注渡口還登岸行行投余步越陌歷榛塗晉謁撫

軍墓竿橋渡野店樵蘇薪積聚問俗此何名云是楊

家庫墓歸飲竹林追歡叙平素

主人陸去繁為余總角交

陳榻夜

寢酣啼鳥曉驚悟

初八遊龍井至銅官山寺

清晨逸興發一飯果吾腹曳杖出衡門躡屐越林麓

石磴幾迴盤巉岩屢躑躅虬松垂古榦穉笋成新竹

蘭芬襲道周孤根托空谷萃律最高峰石井龍蟠伏

巨靈施劈斧山骨斲崖屋與僧話軟語歸塗披障麓

蕭寺古銅官廟貌彷彿西竺名傳漢帝子覆亡如轉燭

銅官係漢吳王鼻採銅處

沉嘆立斯須徘徊下平陸僕夫已整裝

登筏向水澳

歸途紀事

登筏復乘流迅發逾陸走篙工不假力與波隨箭溜
澗谷水聲喧猶然獅子吼良朋列豐饌俄頃盃在手
山花工巧笑山鳥啼勸酒余性不善飲興來傾大斗
坐起挹山靈酌爾進醇酎鼎鼎百年間須臾柳生肘
惠我石中髓與爾結老叟同儔駭余言葫蘆掩其口
他年控鶴還狂言可信否薄暮煙嵐起雲霧迷澤藪
重返武城隅一枕黃昏後

初十至湖郡十一日至長興雜作

劉叅戎流寓長邑沈紹先贈以詩筆代賦

高賢垂曜一長庚罨畫溪前始識荆
藜火較書傳舊業鳴鷄起舞紹家聲
山隣泰岱綿簪紱海接蓬瀛起俊英
幸托龍門瞻道範惟將噓拂到鵬程

木犀贈韓使君

代沈作韓侯諱應垣

海岱東封紫氣浮名家不愧舊荊州
蒼雲峻嶺攜琴上罨畫前溪載鶴遊
八載辛勤勞撫字四郊襦袴動歌謳
璽書不日徵循吏棠蔭成詎久留
分符百里寄南州爲政能抒當宁憂
文繼昌黎光日月政傳宣子著春秋
嘯歌托興烏瞻嶺惠澤長隨箬

水流鸞鳳豈容棲
枳棘會看振羽起
丹丘戰雲
重返武林旅
寓蕭寺苦雨遣興十四日
積雨經旬昏翳同
八表闔室坐書空
憂心果如擣
強步至湖濱
聊以寫懷抱
西子顰其眉
遠岫黛不掃
明鏡掩清波
裙腰失綠草
兩峰雲霧埋
萬壑漲行潦
水氣接洪濛
誰能辨蒼昊
邂逅遇溪翁
咨嗟爲余道
蠶婦失柔桑
日夜思悄悄
豈辭貢筐篚
愁無織織縞
流離從此始
家室恐難保
感此動悲辛
余亦添懊惱
何人能補漏
重見日杲杲

散步湖上

積日霖霖宿霧迷
暫因霽色步長堤
孤亭迥出湖心
上遠岫終牽雲
脚低曬翅沙汀飛
白鷺坐愁芳樹澁
黃鸝陽臺有女休
行雨我欲登山更
杖藜

尊菜歌

庖犧御宇治庖羹
有莘繼起易牙生
尊菜沉淵終莫
識名著江東
繇步兵初疑產自震
澤裏那知尤物件
西子我始入杭未
浹旬繡衣爲我採
澗沚雜以薑桂
寒煖調美味一朝
陳簋簋去杭旬日
尚追思饒口流

涎誰禁止繡衣返棹復邀賓座上羣公盡偉人鸞刀
鏤切何足數重將此味登席珍司農雅尚同水雪點
入蔬肴且豐潔饔人繹絡遞傳送金盤玉筋不空設
腐儒藜藿慣充腸忽投異味起吳越胸中塊壘藏甲
兵兩家蠻觸無時歇我有一言爲弄丸野藪溪毛何
分別常饌是主異者賓彼此忘形五內帖因蓴憶鱸
待秋風得隴望蜀古今同諸公請試鹽梅手調蓴煮
鱸和羹中恣我老饕仍大嚼豕腹彭亨一笑空

季春月杪陸柱史鶴田偕余遊杭初至旅舍卽採
蓴餉余繼往吳興復返棹入杭適桐城陳職方默
公吾郡曹司農秋岳沈文學進之俱寓昭慶蕭寺
而寺僧行中亦風雅中人也鶴田招集旅館仍以
蓴菜列饌曹司農更和入素肴攜以佐觴且以此
命題各賦七言歌行以紀事余不自揣漫咏一章
聊爲諸公捧腹云爾

立夏後二日月夜同曹秋岳司農陸柱史鶴田
開口觀漲余明晨返棹秋岳以詩遙寄依韻

酬之

誰棹狂車戲電雷轟霆日夕勢難迴用東方朔故事銀濤噴

捲珠傾瀉鉄騎奔騰箭急催伍相加鞭應逞怒錢王

張弩亦虛開何時水落鳴環珮油壁還驅蘇小來

題陸汝川層臺高閣

蜀道崎嶇曾宦遊歸家嘯咏寄菟裘未荒松菊留三

徑小築蓬壺駕十洲近市晏嬰無別宅面城潘岳欠

層樓何如飛閣臨園囿郊野風光縱目收

新構層臺曲巷中俯觀物態盡牢籠郊原綠樹連村

舍闌闐雕甍接梵宮虛室四通宜待月繩床一枕好

迎風樓中有楊可枕憑闌更看晴山色髻挽青螺鷺水東

贈張芳辰北行

自君爲比隣風雨常晤對好古薄時流高談傾前輩

皓月泛清尊奇文析疑義相視成莫逆悠然實心醉

君將適何方聚糧太早計君言志北征驅車走燕市

燕市遊俠場京國繁華地公卿出比肩王侯居接第

君抱連城珍逢迎宜倒屣當宁崇風雅臨軒或策試

聚觀成堵墻無雙真國士况有賢柱史髫年夙把臂

簪筆伏青蒲推選敦古誼三冬誠足用青雲可立致

鵬翼遠摩天鷦鷯差慰意

乘賦贈澹廬道雅六君子

賦贈寬夫

屠卜長別號後俱以別號題贈

昔余年少壯傾蓋識寬夫金昆及玉季咸誼黍葭葦
扁舟訪村巷秉燭話衡廬爾後罹蹇厄無復共歡娛
青雲俱失志白首幾驚呼君猶饒雅興高陽聚酒徒
尚恐溺沉洄禪味悅醍醐策扶流憇處香山點畫圖

清元

曹日求

平生推至德我獨重清元覽揆同花甲情親亦弟昆

里居昔隣壤衡宇接孤村相見慰契濶奇文恣討論
晚歲棲靜院同叅衆妙門守中以抱一將窮天地根
君緣醉鄉路浸假上崑崙玉書與金簡日擊道已存

未谷存誠

洪彥池

西郊有高士指屈是存誠探微仿季主談易擬公明
懸河騁雄辨四座皆震驚有問或不答伐國起兵爭
語默合至道不專數術精把臂竹林裏兼隨蓮社盟
酒以空萬慮禪以悟無生笑歌衡門下蘿薜勝簪纓

藝苑鈞斧

喻雲翔

藝苑孰爭鳴咄嗟爾鉤斧握管舊登壇珠璣隨噴吐
余時避三舍輒亂偃旗鼓善刀思欲息妙義叅佛祖
塵劫溷維摩居室卽淨土何曾不飲酒味等白牛乳
有時降衆魔只在一揮塵我願假金篦刮目開矇瞽

西掖元式

卽金元式無別號

末俗日澆漓道風振元式與物無競練處躬靡憊忒
興至步西郊澹廬娛永夕斗酒聚良朋鷄黍登瑤席
笑語拂春風盟心指松栢交誼見古人文章真詞伯
說法引三車須臾離火宅已悟西來意儒冠終岸幘

蟠窩

俞聖復

先民遺模範今日見蟠窩往余托盟契食德飲天和
縞紵不徒贈道義爲切磋荆山空抱璞高蹈隱薜蘿
逍遙放情志縱酒樂行歌良辰失歡會歲月恐蹉跎
猶思登彼岸苦海脫風波恒河沙世畛任意且婆娑
澹廬六君子者非余至戚卽余素交也湖中先輩
各有題贈表彰潛德揚扞道風可謂曲盡其致余
不能贅詞矣因友人屠子大如強余捉筆不敢重
違其意聊賦六味以見仰止素心爾 諸友皆奉

釋教奉道教者獨清元一人而已爾

李孝貞詩

孝貞字鳳嘉禾宿儒學李夢康之女也孝以事父不字者終身年四十七

先父而卒

名家淑媛並姬姜苦節冰心履雪霜不羨揮毫齊道

韞惟將扇枕代王香懶梳雲髻窺妝鏡學製斑衣舞

畫堂世上鬚眉應薙盡好加巾幗振頽綱

贈羽士陸香緒

香緒故友孕日之姪也伊父為慎躬家甚貧窘乃

往武塘太平道院師事黃冠年近十有六歲頗能

行道家法事矣頃孟秋之月下鶴松山相對欬歔

殊深懷舊之感因賦小詩以勉之

爾家本名閩舊澤世簪纓伯父推英彥夙昔我締盟

花宮連永夕風雨共鷄鳴嗣宗痛長逝小阮倍深情

翩翩衣鶴氅有志絕三彭南華及道德妙義須專精

寸田為閩苑尺宅起蓬瀛不出黃庭內駕虹凌紫清

貞白加錫賚庶足振家聲

倪石麓邑師重至當湖賦贈四首

先示新詩末首誌謝

彭澤旋珂里湖民欲斷腸催科甘拙劣撫字著循良

崇芾歌思久碑殘隋淚長數年風物換花異舊河陽
舊政風流宰迴思幾折腸童心馴雉狎鷹眼化鳩良
戛釜魚游未調琴鶴夢長鐫功宜古篆石鼓訪岐陽
聽獄懸冰鑑平情見肺腸訟田慚梗化讓畔喜淳良
澤國春風徧鸚洲化日長白頭依絳帳寒谷暖迴陽
忽惠新詩句珠璣出繡腸卜居逢世亂命駕趁時良
松菊怡情未琴書銷晝長卧龍終奮起未許久南陽

贈浦孺人翁節媛

誰言婦德少堅貞棟折榱崩一柱擎赴死行將隨杵
臼保孤畢竟傲程嬰庭前玉樹孤芳發堦下蘭芝五
彩生黃髮邀榮應不遠星娥竟爾返瑤京

贈澹歸金大師

曾從筵上誦新詩驚嘆色絲幼婦辭影爍電光皆往
事灰餘劫火幾經時楓宸自昔推台輔蓮社於今仰
導師蒲柳自慚生意盡可無法雨灑楊枝

元老孤忠委逝川高名堪並首陽傳揮戈莫挽將頽
日補石難迴有漏天身挂緇衣離色斂手飛錫杖卓
山巔遙瞻甌粵神馳切梓里欣逢侍法筵

壽涵兒五十

誕期在九月望後二日余卧病初九賦小詩誌之

明年余古希今歲爾半百我髮已素絲爾髮漸斑白
菊月爾揆辰賓朋交履舄雖未邀國榮家慶良悅懌
雖不比素封未至謀朝夕有兒着青衿有孫常繞膝
上推及老翁四代綿舊澤更有老叔父霜髭綴白替
朝來祝爾壽兒孫隨杖策弟侄紛坐隅婿女接前席
團圞骨肉親豈有情乖隔把酒各欣然余意倍酣適
題北山樓居書屋三首
莫言第宅近塵囂每上高樓興倍豪躡蹻迴盤迷咫尺

尺憑闌遠眺見秋毫虬松拂座濤聲壯雉蝶當窗雁

齒高春水船中曾把盞果疑天上醉香醪

樓中匾名春水船

雕甍畫棟俯川流景物咸收百尺樓魚戲池塘穿荇
藻鳥啼松谷語啁啾商彝周鼎垂千禩玉軸牙籤備
九丘箕踞胡床時賞玩不煩檻外更尋幽

大業壽三母舅八旬

誕期在十一月十二日是年初八日冬至

疇昔爲童穉外祖宦幽燕我舅依膝下溫清日加虔
弱冠旋鄉里每試詘羣賢副車雖誤中六翮仰飛騫
爾時方侍側提攜隨攀牽有弟爲中表與甥亦齊肩

嬉娛花燭夜繡幃共蟬連祥徵男子兆熊羆夢寢眠
童穉今老叟古稀在明年問舅幾甲子滑濱可作緣
暢月逢初度玉律氣迴旋舉步甚矍鑠丰采貌若仙
大業垂千禩微言障百川斯誠不朽事家學啓薪傳
文孫皆偉器荀龍相後先世澤延瓜瓞又喜見曾元
此日介眉壽九如堪祝焉甥偕白髮弟趨走謁堦前
亦挈兒孫輩奉觴聊備員天工更着意瑞雪舞賓筵
椿枝綴玉屑瓊樹互爭妍禎符不易得家慶正綿綿

劉印山入泮

寒家與貴族秦晉世締盟爾之從祖姑在昔爲拙荆
我之賢侄坦爾父爲伯兄綿聯托瓜葛枝葉更分榮
幸念舊昏媾兔絲復勾萌佳婿稱玉潤婦翁愧冰清
喜今正年少泮水已蜚聲應待秋風起聽歌聞鹿鳴
行且乘桃浪水擊奮雲程錦衣旋珂里悠悠望旆旌
老夫扶筇杖柴荆擁篲迎

王姓入泮

烏衣舊巷風流盡天壤王郎似昔賢豈獨清言符太
尉直將綵筆繼臨川竭來黌序遊鄉校終向蓬池到

木天相慶彈冠應不遠莫言故物是青氈

黃扶桑入泮

天樂王執事昔賀登臨

曾傳楚相有春申珠履三千座上賓遂見箕裘重振
彩豈容麟鳳久沉淪宮墻已見遊雲路王國行將充
席珍書報泥金音問好家門還擁舊朱輪

澹公題贈小像用其句以酬之

小像以道裝圖寫身隨一鶴

師云世上無人語便騎白鶴往瑤京瑤京迢迢幾萬
里雲路茫茫不計程前行忽覩洪濤湧始知銀漢畛
天橫天孫織作難致辭隔河牛宿通信語手指瑤京

路不遙只看歷歷白榆處差峩金闕聳雲霄碧瓦朱
甍起禁籟一羣虎豹當九關張牙奮爪怒嚇予懦儒
見此心膽寒躊躇不進且盤桓幸逢一二閹人至欲
通姓氏強交歡怪我清風垂兩袖反遭詬詈促我走
含羞忍耻立斯須僅從閭闔窺穴竇天公玉女正投
壺衛官呀呀助歡娛方朔潛身雷電室偷掉狂車戲
清都群仙列隊朝回出文狸赤豹滿街衢欲邀青盼
非親故但求白眼亦不顧奴顏婢膝我不甘我寧嵬
強尋歸路還騎此鶴下揚州二十四橋且淹留一朝

換此窮措骨腰纏滿橐負車牛攜歸故里散貧乏免
教舉室聲啾啾甕中未敢拋餘粒貯爲一鶴稻梁謀
青嶂挽嚴母陸孺人

結悅人傳小比肩那知苦節倍堪憐布荆操作無虛
日蘭玉催殘少末年遂向空門皈淨土還辭濁世返
寥天只嫌紙閣留眉案反惹梁鴻痛九泉

題陳贊生像

余思贊翁笑語春風機事不設純白在胸常居絳帳
生徒在中鼓盆發味守義以終嗣君肄業岐伯是宗



原件短缺

P67以后缺

